



關里誌卷十二

奏表

奏疏

唐魯國公請修廟奏狀

右鄆曹濮等州觀察使孔溫裕奏伏以禮樂儒學
 教化根本百王取則千古傳風國朝弘闡文明每
 尚祀典不違古制太振皇猷今曲阜縣乃魯國故
 都文宣廟即素王舊宅與儒之地孕聖之年於宣
 廟宇精嚴禮物俱舉述者以苑州廣平大業修
 修營徒贖數仞之牆繞以欄楹之位



於釋奠而揖讓頗紊於彝章違使金石之聲廢於
於特饗俎豆之設常列於荒蕪聖域信門蓋聖
隆臣忝爲遠裔叨領重藩咫尺家鄉抑展義旗望
闕里而無由展敬瞻廟貌而有願與功臣分差太
齋持料錢就兗州據廟宇傾毀處悉令修葺皆自
支費不擾州縣所需獲遂幽懇乞申私誠伏緣兗
州非臣本界須有申奏伏乞天恩允臣所請無任
悃迫屏營之至謹具如前中書門下牒鄂曹濮觀
察使牒奉勅鄒魯故鄉俎豆遺教文武之道未墜
於地溫裕雖持戒律宛有家風屬兵車之方殷飭

聖門以弘教牆新數仞廟設兩楹盡出私財不煩
公用綽有餘裕益見器能已賜詔嘉獎餘宜依仍
付所司牒至准勅故牒

咸通十年九月二十八日牒

宋王欽若請勅修廟奏狀

京東轉運使資政殿大學士尚書兵部侍郎知通
進錄臺司兼門下封駁事王欽若奏諸道州府軍
監文宣王廟多是摧塌及其中修蓋完葺者被勾
當事官員使臣指射作磨勘司推勘院伏以化俗
之方儒術爲本訓民之道庠序居先况傑出生人

垂範經籍百王取法歷代攸宗苟廟貌之不嚴
典章而何貴恭以睿明繼統禮樂方興歲秩無文
徧走群望豈可泮宮遺烈教父靈祠頗闕修崇久
成廢業仍令講誦之地或爲置對之司混搖捷於
絃歌亂桎梏於籩豆殊非尚德有類戲儒方大振
於素風望俯頒於明制欲乞特降勅命指揮令諸
道州府軍監文宣王廟摧毀處量破倉庫頭子錢
修葺仍令曉示今後不得占射充磨勘司推勘院
及不得令使臣官員等在廟內居止所貴斯文載
耀學校彌克彰鼓篋之風用洽舞雩之理中書

門下牒宜令逐路轉運司遍指揮轄下州府軍監
依王欽若所奏施行牒至准勅故牒

景德三年二月十六日牒

四十六代孫孔宗翰請襲封祀廟奏狀

中散大夫鴻臚卿孔宗翰奏今有管見雖千臣本
家之事上繫朝廷典禮臣伏見先臣孔子之後世
襲封爵一人自西漢以來有襲成侯之國起晉以
降又有奉聖宗聖恭聖之號其名不一皆有實封
咸以百縑奉祀聖朝祖宗以來益加崇封真宗東
封禮畢親謁儒廟眷遇隆厚恩禮備至貴道之美

冠映古今然名有未立必待聖朝而正之蓋襲封
疏爵本爲侍祠今乃兼領他官不在故郡其承襲
之人皆取嫡長父死予封不必有德朝廷既許居
外何能更戀祖堂以至於法度不脩庭宇頽敝恬
不爲怪魯人傷之欲乞特下有司講求古今典禮
議其所宜今後不使襲封之人兼領他職仍乞別
立請俸終身使在鄉里如此則知其不可輕去必
能嚴潔祭祀敦睦親族上以裨聖朝風化之美下
以爲衰宗家世之幸

元祐元年十月十五日

臣寮請世襲給田奏狀

臣寮上言切以魯卞孔子廟貌國之所常敬然而
錫田之數不足以酬族人襲封雖存未免有事奔
走甚非所以尊崇之意也方朝廷日新盛德推獎
名教惟先聖宜極尊崇伏望聖慈明詔有司講
求典禮增錫土田之數別異世襲之人使天下四
方知朝廷尊崇之意而於聖化豈小補哉伏候勅
旨奉旨令禮部太常寺同共詳定聞奏付禮部施
行本部看詳前代典故自漢魏以來莫不封孔子
之後優錫田邑然未嘗明立制度故承賜之禮有

時而盛衰國家褒崇先聖之日隆厚真宗常賜經史於其家使兗州擇儒生講授有以見祖宗等奉聖祀度越前代今衆衆議合依所講釐定典禮命官以司其用度立學以訓其子孫則朝廷崇儒貴道之本意

四十六代孫宗翰請增林戶奏狀

夫子墳林今一千六百餘年子孫皆葬其間周圍十餘里喬木參天近年以來多爲盜賊斫伐州縣旣不留意着林戶又以減省洙泗之上識者傷嗟方當朝廷全盛之時天下被其惠澤鄒魯聖師之

地衰歇如此臣昔在慶曆中曾記一事梁適知兗州日乞以廟兵代廟戶又欲減人數方是時宰相章得象欲如其請參知政事范仲淹獨曰此事與尋常利害不同自是朝廷宗奉聖師美事仁義可息則此人數可減吾輩雖行他人必復之朝論遂已當時天下以此賢仲淹而鄙得象疏入替宗遂詔如舊

元祐五年十月

元王惲請立襲封衍聖公事狀

伏見歷代尊禮孔聖世有襲封以奉祀事

朝自壬辰年間欽奉聖旨於南京取到五十一代
孫孔元措赴闕令襲封於曾自元措之後嗣襲延
闕歲時主祀止令曲阜令治承權祀事其非大宗
主祭之義我國家尊師重道焜耀百代三教尤旣
莫不崇奉宣惜一人爵祿而不議封建蓋未有舉
行者合無聞奏明考族譜令宗親推其賢而有文
者襲其封爵俾奉祀事以明天下風俗之本寔聖
代殊常之盛典也

王惲請教孔顏孟子孫事狀

伏見國朝尊師重道德及修裔其孔顏孟子孫蔭
仕者特設教官使之養其年以來不聞一人有
學業聞望者雖親炙祖庭其淵源聞見終是寡陋
今後有無選三家德性顯明俊者使入京師國學
令學士等官教育庶幾有成以昭先世之德

閻中奉請增襲封品秩奏狀

翰林學士閻中奉奏竊准先聖文宣王之後自漢
以來襲封公侯之爵俱有食品歷代相仍至唐宋
金視舊有加各依品秩頒支俸給國朝有天下累
聖崇奉至元三十一年今上皇帝即位親親至
三代孫密州知州孔治中議大夫襲封爵

一品散官四品合得俸祿未蒙給賜古者俸實然
後爵之位定然後祿之上自一品下至司馬少夫
俱有俸給况朝廷崇尚聖人之後既已頒降宣命
獨領虛名未霑實祿宣稱爵祿相須之義照得前
代襲封各兼他職視其兼職以爲俸廩之兼合該
無兼職若止視散官品秩照依隨朝正四品例每
月幫支俸鈔俾之有爵有俸以奉祭祀益見明時
尊崇聖道之意

大德四年七月十六日

臣等請加禮樂項本

園子監祭酒周洪謨等題臣近者言孔子封號冕
服邊豆侑發等事禮部尚書鄒幹等參稱洪武年
間新創南京太學止用神主不設塑像今園子監
有塑像者不過因前元之舊不忍毀擲以此觀之
孔子冕十二旒衣十二章蓋因前元之舊亦非
聖朝之制臣以爲不然自古帝王之有天下莫不因所
當因革所當革我

太祖高皇帝正祀典百神封號凡前代所封者盡行革
去惟孔子封號仍存其舊天下郡縣皆有元時三
皇廟像以民間不可褻瀆亦皆革去惟孔子塑像

除南京太學用神主外天下府州縣學元時塑像
悉存其舊所因所革皆以定一代之規畫萬世之
法豈可謂所革者爲

聖朝之制而所因者非

聖朝之制乎又謂謚號器數之加否不足爲孔子重輕
所貴乎孔子之道者在身體力行乃爲尊崇之實
臣以爲孔子之道不外乎禮樂今欲體孔子之道
亦莫先乎禮樂若不能備其禮樂則無以將其誠
敬報本之義既踈體道之功安在臣今查得唐開
元中始封孔子爲文宣王被衣衮冕樂用宮縣當

時衮冕之名通乎上下天子之衮冕十二旒十二
章一品之衮冕九旒九章宮縣者天子之樂也樂
旣用天子之宮縣服必用天子之衮冕是唐之奉
孔子者已用天子之禮樂矣宋承五代衰敝之制
至徽宗朝始加孔子冕爲十二旒元時孔子廟貌
徧於天下皆冕十二旒衣十二章

三朝孔子冕服籩豆樂章悉因元制然而冕服旣用天
子之禮而佾舞則用諸侯之樂以禮論樂則樂不
備以樂論禮則禮爲僭禮旣不明樂又不稱孔子
在天之靈必所不享夫禮樂之因於前元者旣有

缺略則法制之明於

聖朝者當爲釐正若事因循不加釐正後世君子必見
非笑如蒙

准言乞

勅內閣大臣并六部三法司六科十三道等官計議
首則正其封號合無表明孔子周人當用周制其
所封乃當時天王之王非後世國王之王故從前
代以來皆用天子冕服封號既正則冕服與封號
相稱而禮不爲僭矣次則增其器數合無將十籩
十豆增爲十二籩十二豆六佾之舞增爲八佾之

舞器數既加則佾舞與冕服相稱而樂不爲缺矣
禮明樂備則可以格神靈可以厚風化可以補前
代缺略之典可以備

聖朝尊崇之制誠爲便益緣係建言文廟禮樂事理未
敢擅便本監官於

奉天門題奏奉

聖旨是尊崇孔子是朝廷盛典准他奏籩豆增爲十二
六佾增爲八佾通行天下該衙門知道欽此

禮部覆本

禮部尚書鄒幹等題前事臣查得先該國子監奏

酒周洪謨題臣聞近日有人建言或欲加孔子封號或欲封孔子爲帝要見

聖朝尊崇先聖之意以備一代之制臣按宋元加大成至聖云者不過言集群聖之大成耳初不見聖人化澤流於後世之意若欲形容聖人道德之妙化澤之遠必須以聖神廣運爲詞蓋大而能化則謂之聖聖不可測則謂之神聖神之體配天地而無外則謂之廣聖神之用行萬世而不息則謂之運此四者惟孔子足以當之如堯之德非不廣運也而止於百年舜之德非不廣運也而止於一世惟

孔子聖功神化流被萬代此所以賢於堯舜也故五代周太祖曰孔子百世帝王之師宋真宗曰人倫之表帝道之綱宋高宗曰帝王之式古今之師元武宗曰儀範百王師不萬世是皆謂孔子教化無窮在所當報而唐儒韓愈亦言孔子用王者事巍然當座自天子而下北面跪祭進退誠敬禮如親弟子者信哉聖人化民之不可忘也至於欲對帝者宋真宗亦嘗欲封孔子爲帝下有司議或言孔子周之陪臣周止稱王不當加以帝號殊不知夏商周之稱王猶唐虞之稱帝因時制宜非有降

殺是前代之王天子而稱王者也後世之王藩國
而稱王者也若謂孔子以人當用周制止宜稱王
不必稱帝猶之可也若曰天子陪臣不當稱帝則
非崇德報功之意矣善先儒羅從彥論之曰唐
既封先聖爲王襲其舊禮可也加之帝號而褒崇
之亦可也夫禮惟其稱而已而或者不諭乃以周
之陪臣爲言宜知禮者以臣又按唐玄宗既正孔
子南面之位服其衮冕徽宗考正孔子冠服加
十二旒金世宗加孔子四十二旒服十二章今
聖朝孔子冕十二旒衣十二章其冕服既用天子之禮

而籩豆則非天子之制六佾亦非天子之樂也如
蒙

准言乞

勅禮部會多官計議或加美謚或封帝號皆無不可
如不加封合無將大成至聖四字易爲聖神應運
之類如不對帝合無表明孔子周人當依周制其
所封乃當時天王之王非後世國王之王况秦既
有天子冠冕章服則亦當用天子籩豆佾舞各無
將十籩十豆增爲十二籩十二豆六佾之舞增爲
八佾之舞使天下後世知

聖朝尊崇先聖而報其功者既正以天王位號復祀以天子禮樂與唐宋元之所封位號不同而禮樂亦無不稱也又樂舞之制古者鳴球琴瑟堂上之樂笙鏞祝敔堂下之樂而干羽舞於兩階今舞羽天居乎上樂器反居乎下殊失古制仍乞勅禮部著落典禮樂者將諸樂居上舞佾居下為當緣係文廟禮樂事理未敢擅便本監官於

奉天門題奉

聖旨禮部看了來說欽此欽遵抄出到部為照先該國子監學正梁端奏要加封孔子本部會同

內閣及各部都察院通政司大理寺六科十三道少保史部尚書兼

華蓋殿大學士李賢等查得洪武三年六月初三日節該欽奉

太祖高皇帝詔曰夫禮所以明神人正名分不可以僭差今命依古定制凡嶽鎮海瀆並去其前代所封之號止以山川本名稱其神郡縣城隍神號一體改正歷代忠臣烈士亦以當時初封以為實號後世溢美之稱皆與革去其孔子善明先王之要道為天下師以濟後世非有功於一方一時者可比

所有封爵宜仍其舊庶幾神人之際名正言順於
理為當用稱朕以禮祀神之意欽此欽遵及查得
正統十二年三月二十一日巡按直隸監察御史
李奎奏要加封孔子本部會官議擬覆奏奉

英宗睿皇帝聖旨孔子萬世帝王所尊已有大成至聖

之號

祖宗以來既仍其舊不必增益欽此欽遵天順八年十

一月初九日各官於

奉天門題奏奉

聖旨是欽此除欽遵外今祭酒周洪謨又奏要將大成

至聖先師仲庸連四字臣等切惟聖神廣運四

字出於伯益贊堯之詞昔宰予謂孔子賢於堯舜

則非贊堯之詞可盡孔子之美不若大成至聖四

字出於孟子中庸猶僅可以議擬者也至於所言

今

聖朝孔子冕十二旒衣十二章既用天子之禮則亦當

用天子籩豆侑彝之數一節伏惟

太祖高皇帝建都南京始創國子監止用神主不設聖

像故當時祭酒宋誨奉

初撰文有像不設繪楮以神聖屬神官無像奉

又謔令國子監增有孔子塑像
忽撒毀耳以此觀之孔子冕十二旒衣十二章蓋
因塑像之舊而非

聖朝之制而邊豆侑舞之禁則

祖宗斟酌已有定式若論孔子之功當極其褒崇則非
罄海陸之珍奇全天子之名器亦未足以盡報本
之誠所以我

朝

列聖有見於此舉因其舊無以增改爲此故也今周洪
謨所言固尊崇孔子之夫意但累有秦

准仍舊事理以諱辨之且以舊樂之加否與不足爲

重輕所貴於孔子之禮之身體而力行之擴充而推
極之以惠緘元元保以邦家使舉世蒙至治之澤

聖太華之祿是乃尊崇孔子之實

聖方隆臣所宜留意者也所據封號籩豆侑舞俱合仍
其其要者舞侑居下合無行移太常寺詳考南京
法或永樂年間丁祭舊制定奪未敢擅便本部尚
書鄒幹等於

奉天門題奏奉

聖旨是欽此

成化十二年七月二十五日

視學奠禮奏本

禮部題爲禮儀事儀制清史司案呈奉本部送禮科抄出太子太保吏部尚書王恕題近該禮部儀制清史司手本內開

皇上於今年三月初三日幸太學釋奠先師孔子以臣爲分獻東哲官祭卒奠大馬竊觀儀注內一段開稱導引官導

上詣大成殿陛下典儀唱執事官各司其事執事官各先斟酒於爵候導

上至拜位贊就位百官亦各就拜位四配十哲分獻官各詣殿陛東西階下兩廡分獻官各詣廡前視北向立贊迎神樂作樂止贊

上鞠躬拜興拜興平身通贊陪祀官行禮同贊揖主上揖主執事官跪進爵樂作

上贊獻畢復授執事官爵奠于神位前樂止贊出

上出至四配十哲兩廡分獻官以次詣神位前奠爵

贊仍以次出殿門外東西向立典儀唱送神樂作

上鞠躬拜興拜興平身通贊陪祭官行禮同導引官

上由中道出分獻官以次退若依此儀注則分獻官始終不拜矣

皇上拜陪祭官俱拜獨分獻官始終不拜恐非禮也臣愚以為分獻官拜位當在殿陛之下列於陪祭官之前贊迎神

上在殿陛上拜分獻官陪祭官俱在殿陛下拜

上獻爵畢分獻官以次詣神位前奠爵訖復還爵

陛下原拜位立定贊送神

上拜分獻官陪祭官俱拜似為近禮臣讀禮記文王世子篇有曰凡學春官釋奠于其先師秋祭亦如之此言春官之釋奠主於行禮非報功也故無幣又曰凡始立學者必釋奠于先聖先師及行事必以幣此言立學事重故釋奠必以幣今

皇上嗣登大寶初幸太學即所謂始立學也臣愚以為釋奠當用幣爵亦當三獻今儀注內無獻幣之禮是行春官釋奠之禮非始立學釋奠之禮也似為未安或以為舊儀注如此臣以為舊儀注是當從之或有差謬亦當更之以求合乎宜似不可以

承祀也如蒙乞下臣言于禮官會同翰林院宮議
之然後行事則

聖明幸學釋奠之禮庶幾合乎宜而可傳之於後矣臣
向奉

聖旨事有當言的盡心來說欽此臣偶有所見不敢不
言言之當與不當有不建計也具題奉

聖旨禮部看了來說欽此

會議奠禮奏本

禮部等衙門太子少保尚書等官臣周洪謨等謹
題為禮儀事禮科抄出太子太保吏部尚書王恕

奏臣昨見禮部行來

皇上幸太學儀注內開釋奠先師孔子迎神

皇上兩拜陪祀官亦兩拜分獻官却各詣大成殿陸東

西階下向北立不拜送神

皇上兩拜陪祀官亦兩拜分獻官却出殿門外東西向

立亦不拜臣以為

皇上拜陪祀官亦拜獨分獻官不拜恐非禮也臣又見
禮記有曰凡始立學者必釋奠於先聖先師及行
事必以幣註云行事謂行釋奠之事必以幣必奠
幣為禮也言始立學而行釋奠之禮則用幣四時

常奠不用幣也今釋奠儀注止開獻一爵而不奠幣故臣以爲釋奠當奠幣爵亦當三獻乞下禮官會議該禮部議奏奉

聖旨分獻官拜禮准行其餘只照舊欽此且臣言用幣者是據禮經而言非無稽之言也或以爲天子視學不爲祀先師孔子只可行釋奠禮不必用幣爵亦不必三獻臣又以爲我朝

列聖卽位各止耕籍田一次幸太學一次若於禮文少有未備後欲更定而行之不可復得雖悔無及臣欲再爲

下言之因見日期促近已有成命不敢復言心實不安今旣阻雨另行擇日行事臣若不言是爲自欺非忠也夫釋奠之禮旣用牲用樂而獨不用幣旣行分獻禮而於先師孔子前止獻一爵豈非缺典又且差官取孔顏孟三氏子孫前來使之觀禮賜紵絲衣每人一套又賜宴又賜國子監祭酒司業紵絲羅衣各一套學官三十餘員每人紵絲衣一套又賜在廷大臣宴于

奉天門所費頗多何獨於先師孔子而言幣哉若謂此舉只爲幸學不爲祀先師孔子且如耕籍田亦

只是爲耕籍田非爲祀先農也如何祀先農箕幣
行三獻禮而獨於幸太學釋奠之禮不然况祀先
農行各衙門官齋戒太常寺光祿寺又奏省牲而
釋奠之禮既不齋戒又不奏省牲何其詳略之不
一如此蓋未之思也臣竊惟

皇上卽位勸農勸學之禮止行一次而不至再至三者
惟耕籍田幸太學二事而已其禮皆當從厚不可
有所偏重以貽日後之悔昔

太宗皇帝將幸太學命禮部詳訂議禮儀尚書鄭賜言求
制謁孔子服靴袍再拜

太宗皇帝口見先師禮一不可簡必服皮弁行四拜禮其
事在諸五倫書人以爲

太宗皇帝尊師重道之志超越宋之諸君遠矣今

陛下釋奠先師體此祀先農之禮而行之似不爲過異
日載諸史冊傳之千萬世豈不爲盛美之事哉

蒙乞

勅禮部集議明白奏請定奪而行之以成萬世不朽
之典不勝幸甚若臣言妄誕甘受顯戮煩言如此

塵瀆

聖德宣勝惶怖之至等因具奏奉 聖旨翰林劉春等百

聖寺這本禮部便會詹事府國子監翰林院春坊官詳
議來說欽此臣等謹按禮記凡學春官釋奠于其
先師註云釋奠者但奠置所祭之物而已無餼
酬酢等事以其主於行禮非報功也又云凡始立
學者必釋奠于先聖先師及行事必以幣註云諸
侯初受封天子命之教於是立學行釋奠之事必
奠幣為禮也又云凡釋奠者必有合樂也有國故
否註云凡行釋奠之禮必有合樂之事後國有凶
喪之故則不合樂也又云太學始教皮弁祭菜示
敬道也註云學者入學之初有司衣皮弁之服祭

先師以蘋藻之菜示之以尊敬道藝也蓋古者見
師之禮以菜為摯故始入學者必釋菜以禮其身
師而學官四時之祭乃皆釋奠釋奠釋菜皆祭之
略者也故以行禮而特釋奠則無幣差厚於釋奠
之意即今

天子率學所行是也以報勅而特釋奠則有幣如春至
下所行是也三代之禮無所不備漢祀孔子未行
釋奠禮制天封北面跪祭周廣順二年樂駕車
卓始拜奠祠前宋大中祥符元年辛曲卓謁文宣
王廟始靴袍禘拜後至我朝始率而重奠奠必

太宗皇帝幸學躬行一奠四拜七禮等節重道虔以加矣

列聖相承率循無改至成化元年始加牲用樂騶捧等崇之意然既非釋奠之正及飛釋奠之金年殊紛天子紛實由於此也則所謂有美無文莫之致廢者矣本玉懸隋言欲行奠帛三獻之禮須讀祝飲福受胙殊為全備原無舊典其從比休先農之祀又修大明典禮所載法武舊制難以擅改合無於前聖駕幸學之前致齋一日至期加帛一奠樂設而不作餘仍其舊庶免紛更緣節該奉

欽依禮部便會官詳議來說事理未敢擅便等因具題

奉

聖旨是尊先師當以禮既成化初年有所舉只孔子前加幣用太宰改分獻為分奠其餘儀物俱照永樂年例行欽此

弘治元年三月初五日

請加樂題本

太常寺卿崔志端奏

天子之樂該用樂器人數七十二名先師孔子原舊樂生四十六名用

天子之樂該添樂生二十六名等因到司案呈到部看
得禮備樂全誠爲盛世之典况舞佾既增樂亦湏
稱合行太常寺將先師孔子祭祀合用樂器人數
照數增益其樂器如有缺少合行該衙門置造及
通行天下照例施行弘治九年二月初二日該本
部尚書倪岳等於

奉天門題奉

聖旨是欽此

請修廟題本

山東巡撫都御史何繼勳爲火災事據兗州府備

曲阜縣申弘治十二年六月十六日夜子時雷雨
交作火從宣聖家廟東北角上起延燒家廟五間
齋廳五間東廡二十八間及寢殿七間二世祖孔
鯉廟三間三世祖子思廟三間西廡二十八間天
成門五間植檜一株

太祖高皇帝詔旨碑文并樓

太宗文皇帝御製碑文并樓遂延燒大成殿七間東便

門六間西便門六間大成殿東小便門三間西小

便門三間寢殿東西兩便門共六間啓聖殿五間

毓聖侯廟三間風雨兩止火方散息遺計燒毀殿

庶等房一百二十三間緣係修建事理未敢擅便
等因具題奉

聖旨該衙門知道欽此

弘治十二年七月

請修廟題本

浙江道監察御史余濂題竊惟天下不能一日無
孔子之道人心不能一日無孔子之教君臣之所
以君臣父子之所以父子夫婦昆弟朋友之所以
夫婦昆弟朋友舍是道是教固不能以一日立焉
者也其扶世之功真與天地而同流故報功之典

歷古而一一致矣先儒曰仲尼以萬世爲土其不
信也夫漢之高帝過魯之祀見於兵戈倥偬之日
識者謂其興漢之精神命脉全在於此宋之神宗
按王安石之新經爲國且廢格春秋而繼代有金
狄亂華之慘是世道之隆汙顧所以崇乎正道者
何如耳洪惟

祖宗繼天立極重道右文自

國都以及府州縣咸立學以闡其教立廟以隆其祀
所以釀成雍熙泰和之治者百三十年于茲矣近
者不意回祿之災及我孔廟殿宇門廡與夫碑刻

之類蕩然一空正道之厄莫甚於此可為痛哭可
為流涕而長太息者又不足言矣但廷臣未聞有
祈請之辭而

陛下未聞降矜恤之典是

君臣上下恬然於先聖之災也續該龔封衍聖公孔
弘泰具奏臣竊以為

陛下必遣官慰祭必發帑賑貸必料理財物以蓋造廟
宇有不肯緩者而欽奉

聖旨該衙門知道欽此愚臣之所未喻也昔者廡焚子
退朝曰傷人乎夫一廡之焚孔子尚拳拳於傷人

之問况今者災延孔廟在天之靈歲以棲托寧不
有廡

九重之慮哉釋今不為之計則廢一時之祀矣若遷
延以至來歲又將廢四時之祭矣崇德報功之意
固不至此但臣一得之愚且暮之頃實有所俟望
也伏乞

陛下即

勅該部與之經理早為完造以資神靈以慰人心等

因題奉

聖旨該衙門看詳奏說欽此

禮部覆奉

太子少保禮部尚書徐瓊等題臣等切惟孔子之廟關斯文之運今孔廟之災當雷雨大作之時實天道之變也聖人在天之靈必有所不安宜當從容修造况燒毀房屋間座數多山東地方連年上役不息

衡府甫完

涇府又在用工之際若欲卽便蓋造則非惟材力不及亦非所以警天災之意本部欲行巡撫山東都察院右副都御史何鑑親詣被災處所相討論

殿宇廊廡碑亭等項房屋定擬間座規模將合用木植甄石灰瓦等件并匠役人夫通行計算明白具奏候材料措置將有次第然後奏請擇日興工別事不致於欲速工亦易於就緒仍行孔氏子孫痛加修省以警天戒以回天意緣係處置修建廟宇材物及奉

欽依該衙門看了來說并該衙門知道事理未敢擅便本部尚書徐瓊等題奉

聖旨是欽此

弘治十二年七月二十五日

落成題本

山東巡撫都御史徐源題為恤災異以崇正道事
據山東按察司呈准本司提督修建關里廟庭會
事黃繡關案照先准本司關抄蒙

欽差巡撫山東地方都察院右副都御史徐源按山
東監察御史高崇熙案驗俱為前事備行布按二
司照依本部等衙門題奉

欽依內事理各委堂上官一員管理修蓋不許別項差
占其合用委官人等聽憑選委務要嚴加比併禁
革奸弊不許妄費錢糧中間若有委官匠作人等

詭名包攬夫匠及冒破物料價銀通同侵欺等情
情弊應拏問者就便拏問應奏者明白呈來地
行工完之日布政司通將支用過銀兩物料夫匠
數目造冊繳報本司考等因依蒙呈委左叅議程愈
僉事李宗泗專一提督修建管理間程愈因病身
故李宗泗陞任去訖弘治十五年四月十九日准
本司關蒙

欽差巡撫山東地方都察院右副都御史徐源批據本
司呈為除授官員事備行本職接管專一提督修
建依蒙親詣工所督併委官曹州同知魏宗舜等

嚴督匠作人等照依原擬規制間數大成殿九間
寢殿七間俱兩簷大成門家廟啓聖殿全絲詩禮
堂各五間兩廡連廊共一百間啓聖寢殿三間神
廚二十四間庫房九間碑亭二座衍聖公齋宿房
十二間逐一修建完備財用有餘物料充足官私
竭力工藝盡巧堅美雄壯視昔有加及照奎文舊
閣梁柱短小規摹不稱呈明本院亦已造完七間
三簷堅固敞堪以儲蓄經籍再照廟傍原有毓
粹觀德二門以通出入緣逼近廟臺街路短促不
稱趨謁今於前門少北各建東西門一座三間扁

曰快觀仰高謁廟入門者仰觀深遠又前門并二
門原止三間今改建大門大中門各五間與廟宇
前後掩映相稱橋梁階級煥然鼎新杏壇碑額亦
加彩繪俱完除將支用銀兩物料役過夫匠數目
另行布政司造冊繳報外今將修完前項工程咨
關本司煩爲呈達等因轉呈到臣案照先准工部
咨該巡撫山東右副都御史何鑑題准本部咨該
本部題備咨會同

鈔差太常寺少卿兼翰林院侍讀學士李傑布按二司
掌印官并提學副使守巡等官左右布政使王濟等

相計該造孔廟殿宇廊廡碑亭等項房屋定擬開
座規模合用木植甄石灰瓦等料并匠役人夫通
計約用料價工食等項銀兩共該一十五萬二千
六百餘兩要將荊州蕪湖杭州各抽分廠木植江
西九江蘇州潞墅并臨清鈔關船料錢鈔及山東
起運夏稅折鈔戶口食鹽并各司府在庫無礙錢
糧俱可存撥修蓋等因該本部等衙門依擬覆奏
備咨轉行山東布政司委官前去九江臨清潞墅
蕪湖荊州杭州江西福建廣東等處鈔關抽分官
庫守取陸續支買木植甄灰等料以備應用及行

山東巡撫巡按於布按二司各選委堂上的當官
專一管理務在委用得人計處周密巡撫巡按時
加嚴督比較所委官員不許別項差占及妄費錢
糧限三年完備若視為泛常苟延歲月以致下人
作弊及虛費工料聽巡撫巡按官參奏究治工完
之日通將支用過銀兩物料工匠數目布政司備
細造冊奏繳等因題奉

欽依移咨前來已經通行委官提督管理修建去後續
准本司咨前事該本院巡撫右副都御史王儼巡
按山東監察御史高崇熙各題稱要將原差來差

造

涇王府第工部郎中陳綬修府工畢前去曲阜縣住
坐專一提督修建孔廟工完回京之日聽該部論
功奏

請量加陞擢等因續該本部咨稱郎中陳綬蓋造

王府將完欲照原題事理請

勅順齋本官前來行事議擬題奉

欽依移咨到臣督據委官僉事李宗泗等呈稱先將買
到木料於各府精選匠作興工已將啓聖王殿先
聖家廟寢廟造完擇日豎立訖及正殿先次採到

石柱預行直隸徽州府選取彼處高手石工斷制
鑿鑿雲花十分精緻其正殿本作梁柱瑠璃斗柱
一百二十座通已工完處置惟候擇日豎柱上梁
續該郎中陳綬丁憂未到臣會同巡按山東監察
御史劉芳議得孔廟工程見今營造僉事李宗泗
等提督管理稍加歲月足了其事不必再行差官
以費供給該部議得合無將郎中陳綬及

內府官匠俱令回京原奉

勅書遵繳仍行臣等嚴督原委布按二司官照依
官會議事理如法蓋造完報題奉

欽依備奏前來及經通行原奏僉事李宗泗等督造後
爲照舊官陸續陞任去訖續該坐委本官事在
彼管理修建完報去後近該臣等親詣闕里看得
僉事黃繡修蓋大成殿啓聖廟家廟正寢殿并兩
廡先賢塑像神牌金絲誥禮堂宰牲神庫神廚齋
居奎文閣大門中門左右門下至街道坊牌無不
完整規模壯麗工藝精緻比昔迥異足稱瞻仰今
呈前因會同巡按山東監察御史陳璿議得先師
孔子道冠古今垂憲萬世廟宇之災雖一時之屯
厄恭逢

皇上御極崇儒重道褒德報功鼎新修建起萬世之
瞻今丁既落成伏乞

御製宸章勒之堅珉以紀一代成功之盛更
命館閣儒臣捧

勅祭告以安一聖衆賢之靈庶道德光輝宣著同天
地悠久萬明再照闕里斯文宗主之地凡內外百
辟群工孰不頌六經之遺訓沐浴泗之餘以今次
修建廟殿其來

朝廷欽恤之意下榮撫按督委之勤詳用周密克効
歲功實也陸副使李宗泗經營有始見任僉事責

鑄調慶遠通和作晏息不避寒暑之勞雖臣于後
學務分嘗然但身先多士功亦可嘉所據各官亦
包量加陞擢以旌其能但

恩與俱出前
朝廷非臣等所敢擅擬除將委官匠作人等先行所
司備買花紅酒禮量加犒勞并行布政司將改用
過銀兩物料夫匠數目造冊徑自奏繳外緣係修
建孔廟落成以崇正道事理未敢擅便行間續該
巡按山東監察御史陳璘亦題前事俱奉

聖旨該部知道欽此

弘治十七年

禮部覆本

禮部尚書張昇等題前事本部已經會議題准通
行修蓋去後今訪以前因築呈到部看得
命官祭告陞擢官員係隸吏禮二部掌行合行移咨
貴部煩照各官題奉

欽依內事理徑自查照覆奏施行等因移咨送司案呈
到部切照巡撫兼都御史徐源題按御史陳璘等題
稱孔廟落成卷裏
御製宸章勒之暨取及

命館閣儒臣等

勅祭告節臣等看得闕里孔廟自古尊崇歷代修

建其剏造廟宇嚴設聖像不知幾千百年矣一旦

盡空而有待於盛世之重新仰荷

皇上崇重聖道節

命修蓋大出帑藏之資積餘四年之久然後厥子若

成雖仍舊址實乃重建輪奐鼎新壯麗堅緻倍蓰

往昔非尋常修蓋之可倫也仰惟我

朝每歲春秋二丁於在京孔廟猶傳

制特遣內閣大臣祭祀况東魯闕里華夷款仰茲孔

廟新成又天下觀望所繫曠數百年希古之生理

當異其禮儀極其崇重以為

一代之盛典垂萬世之成規今都御史徐沅等所言

誠知所重合無允其所請比照在京孔廟時祭事

例仍請

勅一道命文職大臣員前往祭告行移翰林院撰

御製碑文并祝文太常寺鑰鑰者帛仍行本布政司轉

屬吏終官錢買辦祭物至期致祭兵部應付船隻

并拉臺人夫等項詳據遣大職大臣捧

勅祭告伏乞

今年二月十三日 朕大日

聖裁本部未敢擅便本年二月十三日題次日
聖旨是遠尚書李東陽祭告欽此欽遵擇日傳

制齋戒等項又該本部題奉

欽依是著欽天監擇日來看欽此

請書刻 御製碑題本

太子太保戶部尚書兼

謹身殿大學士李東陽題為公務事先該題

都察院右副都御史徐源等奏關聖孔子廟修葺

落成續該禮部題乞

御製碑文及遣官祭告等因奉

聖旨是遠尚書李東陽祭告欽此除欽遵外臣竊惟修

建孔廟

朝廷重事而

御製碑文及遣祭祝文尤

陛下隆師重道之盛心是宜刻之金石以昭示萬世但

本廟僻在一方恐無善寫楷書之人不能揚厲

宸章有孤

恩典臣奉將

使命事體相關乞令制勅房中書會人喬宗齋捧讀

職等項

御製文字往彼書寫上石仍乞帶領工部文思院副使
閻傑就彼鐫刻事畢之日卽令回京該部遵行
例應付廩給脚力便益等因奉

聖旨都准他該衙門知道欽此

弘治十七年閏四月初二日

工部覆本

工部尚書曾鑑等題前事除

御製宸章以紀成功更

命館閣捧

勅祭告咨行禮部施行外及行禮吏部咨稱齋戒

功官員事例俱係原行衙門議擬應否陞賞奏請
明白至日備行本部覆奏定奪等因造司案查先
爲前事本部已經會議題准通行修蓋去後今該
前因案呈到部臣等看得巡撫山東都御史等官
徐源等會議奏稱修建孔廟工完原奏官先陞副
使李宗泗見任僉事黃繡身先多士功亦可嘉亦
乞量加陞擢以旌其能一節因爲激勸勤能之舉

但

恩典出自

朝廷臣等擅難別議伏乞

聖明裁處緣係恤災異以崇正道及奉

欽依該部知道事理未敢擅便等因具題奉

聖旨徐源賞銀十兩紵絲一表裏李宗泗黃繡各紵絲

一表裏欽此

弘治十七年七月二十六日

修廟成謝賜金帛本

山東巡撫都御史徐源奏為謝

恩事准工部咨為恤災異以崇正道事先該臣題據

山東按察司呈准本司提督修建闕里廟庭多事

黃繡關緝提督修建孔廟工程落成備關轉呈前

來已經會題去後續該本部議擬題奉

聖旨徐源賞銀十兩紵絲一表裏李宗泗黃繡各紵絲

一表裏欽此備咨到臣除欽遵轉行各官知會外

弘治十七年十一月初七日該襲封衍聖公府典

籍孫世忠齋捧

欽賜花銀十兩大紅織金獅蟒紵絲一表裏

賜臣收領者當日除率同僉事黃繡望闕謝

恩外臣切惟宣聖廟庭數雖遭於回祿道自貫乎日

星

皇上詔令工既訖于鼎新德實同乎天地既造內閣儒

臣捧

初祭告異數特光於道統復賜

御製宸章命工琢刻雄篇卓冠乎魯邦臣叨領地方職
名彙載於穹碑何期望外金帛並頒於內帑花銀
梁爛玉潔珠光製爲祭器子孫保守以傳家文綺
輝煌

右恩聖澤裁作命袍身心佩服而報本臣不勝感戴
天恩之至爲此具本專差驛丞張俊親齎馳謝謹具奏
聞
襲封衍聖公乞免分奠奏本

禮部題爲禮儀事奉本部送准襲封衍聖公孔聞

詔咨照得正德元年三月初四日恭遇

聖駕臨幸太學先於本年正月二十一日該禮部題奉
欽依差本部主事張潛前到闕里行取本爵并三氏子
孫赴京觀禮續又題奉

欽點本爵姓名分奠廟庭除已到京朝

見外切思本爵見有父喪甫過大祥未除禫服奈緣
君命至嚴祖廟事重蒼黃純道匪勉趨

朝雖不敢以卑而廢尊亦不敢冒衰以從言中心展
轉實不自安今迫近祭祀日期係奉

欽點名數若不另行奏

請恐致臨期誤事未便等因備咨送司案查先該本部

題恭惟

皇上正德元年三月初四日幸學釋奠

先師孔子該用分真官員開坐請

旨點遣八員前去行禮正德元年三月十二日具題次

日奉

聖旨是有點的八員行禮欽此欽遵已經通行去後今

該前因案呈到部照得襲封衍聖公孔聞韶已奉

欽點數內官員今稱大祥甫過未除禫服欲乞另行奏

請無得孔聞韶等

欽取到京觀禮人數但以禫服未除不敢預分真之數

似亦有理合無准其辭免祇從陪拜觀禮等項緣

係禮儀事理未敢擅便謹題奉

聖旨是欽此

正德元年二月二十日

禮部覆本

禮部題為禮儀事儀制清吏司案呈奉本朝是准

襲封衍聖公孔聞韶咨奉

聖駕臨幸太學

欽點分奠廟庭但以禫服未除不敢預分奠之列合無
准其辭免等因具題奉

聖旨是欽此欽遵案呈到部看得襲封村聖公孔開韶
既已奉有

坐請

欽依准其辭免分奠理合改差今特應該分奠官員開
首點遣一員前去行禮緣係禮儀未敢擅便謹題奉

聖旨是着梁儲行禮欽此

正德元年二月二十七日

表登

禮部題為禮儀事儀制清吏司案呈奉本部送准
襲封衍聖公孔開韶咨照得正德元年三月初四

日恭遇

聖駕臨幸太學先於本年正月二十一日該禮部題奉
欽依行取本爵并三氏子孫赴京觀禮續又題奉

欽點本爵姓名分真廟庭除已到京朝

見外切思本爵見有父喪甫過大祥未除禫服不可冒

哀從吉今迫近祭祀日期係奉

欽點名數若不另行奏

請恐致臨期誤事未便等因備咨送司案呈到部照得

襲封衍聖公孔聞韶已奉

欽點數內官員今稱大祥甫過未除禫服欲乞另行奏

請照得孔聞韶等

欽取到京觀禮人數但以禫服未除不敢預分其之數

似亦有理合無准其辭免祇從陪拜觀禮等因具

題奉

聖旨是欽此欽遵案呈到部着得襲封衍聖公孔聞韶

既已奉有

欽依准其辭免分其理合改差今將應該分真官員開

坐請

旨點遣一員前去行禮緣係禮儀未敢擅便謹題奉

聖旨着梁儲行禮欽此

正德元年二月二十七日

表章

唐太子弘請修廟表

臣聞周師東邁商閭延降軾之榮漢蹕西旋夷門
致抱關之想况泣麟曾躅歌鳳遙芬被縉禮於昌
辰飾殊榮於窮壤者伏惟皇帝陛下資靈統極稟
粹登樞乃聖乃神體陰陽而不宰無爲無事均雨
露之莫私六符薦而泰階平百寶臻而天祚永靈
臺所以偃伯延閭由其增絢尚齒尊賢邁鴻名於
萬古興亡繼絕騰峻軌於千齡大矣哉茂實美聲
固無得而稱矣日者封金岱吠會玉梁陰路指沂
川途經闕里迴鑿駐蹕式監唐禹之姿闕曠疑蔬

載想溫良之德於是特紆宸渙贈以太師兼命重
臣申其奠醊廟堂卑陋重遣修營褒聖侯德倫子
孫咸蠲賦役臣恩均鳧從迹濫撫軍舊烈遺輝躬
陪瞻眺零壇相圃欣覲前聞又昔歲承恩齒賈膠
塾歷觀軒屏具列門徒想仁孝於顏曾彌深景慕
採風猷於竹帛異啓顓蒙所以敢輕陳聞庶加褒
贈天慈下濟無隔異時咸登師保式光泉夜敢以
前恩重茲干請臣竊謂宣尼之廟重闡規模桂奠
蘭羞永傳終古崇班峻禮式資幽垗而翠珠莫題
言猷靡暢訪諸故實有所未周且將聖自天惟幾

應物拯人倫於已墜甄禮樂於旣傾祖述勲華三
千勵其鑠仰憲章文武億兆遵其藏用豈可使汾
川遺碣獨擅於無慙峴岫餘文孤標於墮淚伏見
前件孔廟營構畢功峻業增輝事資刊勒敢希鴻
澤令樹一碑但遼海清夷兵無致發山東豐稔時
踰常歲况鄒魯舊邦儒教所起刊勒之費未足爲
多許其子來不日便就乞特矜照遂此愚誠臣識
昧常規言慙通理塵瀆聽覽追增竦戰奉勅音休
請

臣妾任氏聞教自菽麥自麥雖后稷之聖不能化
穗以成芒渭自渭涇自涇雖大禹之神不能變清
而爲濁蓋天理有不移之義豈聖門容異姓之人
伏念臣妾之子孔渙乃五十一代襲封衍聖公孔
元措之耳孫五十二代襲封衍聖公孔之固之家
嗣生長從於稚齒提挈至於成人有美維髯遺印
在耳雖云庶出實係長房爲經版蕩以來遂失過
庭之訓以致宗族闕議詞訟無休吾道于是乎不
光記事以之而大缺肝心殞裂泣涕無從俱以爲
謀寡妾之當此天抱閨門之戚戚望天關之悠悠

所積瀰漫何由控愬必遇清明之世能平精衛之
冤茲者伏遇上天眷命皇帝陛下龍飛九五運應
一千始爲儒教大宗師今作中原聖天子乾坤浩
浩一新汙俗之餘日月煌煌照被覆盆之下無淹
不振有廢皆興顧惟孔氏之家實係生民之望千
七百載厥聞愈彰五十三傳其直如矢自相沿於
百代曾莫紊於一朝至於賢與不賢在人品高低
之不一嫡仍復嫡見天心付與之分明方當朝廷
甫定之秋適屬士論向公之日伏惟陛下俯垂矜
鑒大廓聖源因之以禮義之方加之以師傳之職

有教固無類也見賢然後用之上可以至皇朝
絕之良規下可以導聖祀無窮之正派雖文昭武
穆不幸有幽厲之衰奈丹朱商均未害爲堯舜之
後自惟螻蟻輒犯雷霆臣妾不勝惶懼戰慄之極
匍匐待死闕下泣血奉表以聞

國朝衍聖公謝賜三臺銀印玉帶表

孔子五十九代孫襲封衍聖公臣房縉景泰二年
欽蒙

皇上賜三臺銀印玉帶衣織金麒麟文視一品者臣房

縉稽首頓首上言伏以

建中立極本治教於六經沂流永源特推恩於宗
子天心鑒悅寒族增光恭惟

皇帝陛下聰明睿智文武聖神祖述唐虞道已隆於天
下憲章周孔心猶厯於魯東太學爲昭代之賢關
既承臨幸大宗爲素王之嫡長特見褒崇範白金
而印鈿三臺琢美玉而腰圍一帶盛以丹漆之函
束以雲章之服服以拜賜而廷陛光輝藏以傳家
而子孫慶幸賜鞶鞶而先之以烏紗錫酒宰而加
之以白粲恩施溥博俾同宅俊之賢禮待優隆不
鄙草茅之賤是皆因本而厚末肆獨念祖以及孫

符雨露之沾濡同乾坤之覆載自三代以來未有
盛於

今日者也臣縉質本凡庸忝繼先師之緒學無裨益
濫承顯爵之封象賢深愧於前人崇德欣逢於
盛世頌揚莫既感激惟深伏願國有學黨有庠術有
序益隆

聖道於無窮車同軌書同文行同倫永固

皇圖於悠久臣無任瞻

天仰

聖激切屏營之至謹奉

表稱

謝以

聞

行聖公襲封謝表

孔子六十一代孫襲封行聖公臣弘泰欽蒙

皇上大德以臣兄弘緒休致命臣襲封行聖公臣誠懼

誠怖稽首頓首謹上

表稱

謝者伏以

上聖膺圖道有宗而人會極斯文在世水行地而日當

天顏惟降一緒之弟與允荷

宸慈之軫錄光榮有自

皇帝陛下德邁禹湯治隆

以求賢謂孔子之教

親乎經史述而形

禁掖

宮闈睦孝養隆遠

功由為其事

祖宗之舊章載

賜襲封之盛

里宗門章許

昭代以增崇雖

鴻恩波及於後裔

前愆披肝膽竭

洪造河清海晏祝

聖壽於萬年序樂和

天仰

聖潔切屏之至謹奉

表稱

謝以

帛榜恭准

政恒寤寐

王之規日

萬物育有具

最爾愚庸

切逢

彼

其人養率動尚圖蓋乎

至

無任

謝

天顧惟隆緒之興允荷

宸慈之軫錄光榮有自祇懼弗勝恭惟

皇帝陛下德邁禹湯治隆文武每旰食宵衣勤政恒寤寐

以求賢謂孔子之教根本於三綱循帝王之規日

親乎經史述而形諸

禁掖

宮闈睦孝養隆逮

子孫輝生遂萬物育有具

功由為其事用

其人幾幸

祖宗之舊章載

賜襲封之盛

存焉寡昧蕞爾愚庸聞

里宗門章註尼山而行慶簪纓世業叨逢

昭代以增崇雖因不腆自罹于刑辜過彼

鴻恩波及於後裔臣敢不慎威儀敬言勤尚圖蓋乎

前愆披肝膽竭忠誠期仰答乎

洪造河清海晏祝

聖壽於萬年序樂和廉文明於四表臣無任瞻

天仰

聖激切屏之至謹奉

表稱

謝以

聞

加樂舞蓮豆謝表

孔子六十三代孫襲封衍聖公臣弘泰伏蒙
皇上遣翰林院學士王獻諳闕里昭告

先師孔子增加樂舞蓮豆之數臣嗣守宗祊恭逢盛
事不勝踴躍歡戴之至謹率族人奉

表稱

謝者臣等誠惶誠恐稽首頓首上言伏以

皇朝稽古右文隆海宇升平之治

聖主尊師重道

詔旨播傳儒林欣忭茲蓋伏焉

皇帝陛下欽明文思

齊聖廣淵日

御經遙妙契乎易書詩禮春秋之奧

天付神器遠宗乎堯舜禹湯文武之傳

治已臻而猶若未臻

道已至而猶若未至緬懷先師之功烈

詔同饗帝之儀文

繪音渙發于

彤庭告先文廟香幣遠頒于闕里輝映魯林濯濯太

宰

尊禮實符于漢祖煌煌

御製褒揚遠過于唐宗服袞冕而用宮縣夫子容儀如

在加籩豆而增侑舞

聖朝禮樂維新玉振金聲儼冠裳之肅肅神歡人悅降
福祿之穰穰亙古莫加於今為盛臣弘奉叨承

明命主祀祖庭仰瞻

天使之賁臨光延遺胤恭率族人而趨

謝端拜

嚴宸伏願

允執厥中益究帝王之學協于克一聿臻理道之純
得

天命得人心表四方而建極如岡陵如山車祝

萬壽以齊

天臣無任瞻

天仰

聖激切屏營之至謹奉

表稱

謝以

聞

孔子六十一代孫襲封衍聖公臣弘泰等弘治元年二月初九日恭謁

聖駕親臨太學躬祀先師召臣等三氏子孫陪祀

恩賚有加謹奉

表稱

謝者臣誠歡誠忭稽首頓首上言伏以

聖人御極首視學以廣化於四方

大體隆儒遠推恩以下逮於百世弘至治以六經之

道舉盛世於三代之隆

九重之恩禮有加三氏之子孫何幸茲蓋伏遇

皇帝陛下心傳精一

學衍緝熙肅至孝於

兩宮協

重華於

列聖

御明堂而布政萬事維新

坐宣室以受釐百神受職謂致治有本原莫先乎道

而求道有樞要必用乎經攸舉辟雍之儀用廣作

人之效以

天子而師陪臣之道德居

萬乘以貢數仞之宮牆。玉璫黃流乃裸，乃獻皮弁素積，載舞載揚，金奏輿如。宣宮商角徵羽之節，奏玉顏粹若親，溫良恭儉讓之德。容禮官絢繡采以展儀祭酒瞻。

冕旒而進講大臣陪。

黼座佩玉，繡繡諸生環。橋門冠衿濟濟，述百王禮樂之盛典。培萬世綱常之丕基，俎豆生光，縉紳增氣。

駢蕃

寵命錫章服，以衣被諸儒。諄復

訓詞降絲綸，以獎勵多士。按古禮以載施於今世報。

前功而不忘其後，昆光被魯鄒澤流洙泗臣等叨承世業仰荷。

國恩愧乏象賢之資，濫受罔功之賞。爰居止魯享厚味，也可慚鷓鴣在梁，被美服兮不稱。冒榮為幸，報賜何階伏願。

惟天惟

祖宗永保

皇明之祚有民有社稷常為儒教之宗。奎壁輝煌乾坤清泰臣無任瞻

天仰

聖激切屏營之至謹奉

表稱

謝以

聞

衍聖公襲封謝表

孔子六十二代孫襲封衍聖公臣聞韶弘治十六年九月初六日欽奉

恩命襲封衍聖公爵臣聞韶誠惶誠恐稽首頓首上言
伏以道崇先覺褒揚每荷於

明廷禮正大宗封爵竟歸于世胄仰值右文之風

慚接武之難負重登八堪臨深莫喻茲蓋伏遇

皇帝陛下

天衷純粹

聖學淵微紹惟精惟一之心傳守不愆不忘之古訓
隆師重傅窮六經制作之原崇德象賢具百代彝
章之美粵自前漢肇牲牢之祀後周極茅土之封

逮及

本朝益增舊典銀章玉帶班超一品之階左羽右
祭備八佾之舞以至分田賜第建學設官朝則
餘節儀之儀代則謹承傳之序弟兄繼

命事周宋世之蒙虛父子治
恩光徧魯山之橋梓矧廟貌方新之日正事
之辰臣聞韶早厠黌宮粗通章句孰蓬豆以行禮
樂非曰能之竭忠孝以事

君親是所願也伏冀

皇風雍穆至治馨香岱視三公世世居東而享德焉
呼

萬歲年年共北以來切臣無任瞻

天仰

聖激切屏營之至謹奏

表稱

謝以

聞

重建闕里廟成謝表

襲封衍聖公臣孔聞韶弘治十七年正月修建祖
廟落成欽蒙

御製碑文遣官祭告者臣聞韶誠惶誠恐稽首頓首上
言伏以禮必積百年而後興事有曠百世而始見
是蓋政關治體好本錢彝凡在斯文式均慶戴若
乃餘波賸澤沾被子孫其規恆情何啻百倍竊惟

闕里祖廟肇自前朝

列聖以來累加修葺比歲鬱修示戒煨燼無遺伏遇

皇帝陛下

天啓

聖衷道符先揆顧宮牆之舊地實海宇之具瞻爰

勅有司重加修建集四方之公帑闋五載之程期材

幹堅良工製精密廟貌嚴整輪奐偉然既不替于

前規復恢張於新制足以妥靈昭佑崇德報功極

天下之大觀亘古今而不冉者也又有

奎章睿藻降自重霄石刻金書垂之萬代出容臺之

香幣

遣重臣先集宅里增輝臣聞韶甫龔

官封方嬰服制念

君命重於家事而祖廟尊於父喪易服以迎拜

天顏而敢後趨

朝而謝率族姓以偕行伏願

聖學緝熙儒風丕振家詩書而戶禮樂益弘世道之光

天日月而地山川永賁人文之化徒深祝頌曷罄

名言臣無任瞻

天仰

聖激切屏營之至謹奉

表稱

謝以

聞

襲封衍聖公臣孔闡韶等正德元年三月初四日

恭遇

聖駕親臨太學釋奠先師

欽取臣等三氏子孫赴

京觀禮

恩榮臣儒生增光臣上

表稱

謝者臣等誠懼誠忤稽首頓首

上言伏以庠序明倫教必先於太學廟庭釋奠禮必

重於先師乃

一代之宏模誠百王之曠典臣同率土臣奉臣私門茲

蓋伏遇

皇帝陛下

先章煥發

舜播重華精一承心法之傳

漢烈謹憲章之守

青宮預

漢書刪述之精微

皇極專居建中和之制作

知治必本道非聖莫明

謂政乃在人由學而出者斯文之有自急當務之為

先爰於

居王之元辟講

臨葬之禮

法典夙駕

清輝遙聞

顯若有乎登園橋之觀仰

恭維不顯昭百辟之儀刑

光被宮墻春回俎豆懸音上徹心氣潛通物以簡為

誠但取潔疏之脩潔禮用和為貴式瞻

登降之從容

隆師屈

履拜之尊

重道伸坐講之敬書闡唐虞之奧旨易敷造化之鴻

功

天位高而聽則卑

王心一而言乃大萬物快雲從之觀四方同風動之休
臣等遠托雲仍適瞻

日表駿奔敢後周旋以有事為榮象德從先夙夜惟無
忝是懼幸冒

弊蒙之末靡敢忘犬馬之微忱伏願

五典弘敷寰宇盡可封之俗萬年引考

邦家永不拔之基臣等無任瞻

天仰

聖激切屏營之至謹奉

表稱

謝以

聞

關里誌卷十三

銘誌

唐正議大夫尚書左丞孔公墓誌銘

孔子之後三十八世有孫曰幾字君巖事唐爲尚書左丞年七十三三上書去官天子以爲禮部尚書祿之終身而不敢煩以政吏部侍郎韓愈常賢其能謂曰公尚壯上三留奚去之果曰吾敢要君吾年至一宜去吾爲左丞不能進退郎官唯相之爲二宜去愈又曰古之老於鄉者將自佚非自苦閭井田宅具在親戚之不仕與倦而歸者不在東

阡在南陌可杖屨往來也今異於是公誰與居且
公雖貴而無留資何恃而歸曰吾負二宜去尚奚
顧子言愈面歎曰公於是乎賢遠於人明日奏疏
曰臣與孔戣同在南省數與相見戣爲人守節清
苦論議正平年纔七十筋力耳目未覺衰老憂國
忘家用意至到如戣輩在朝不過三數人陛下不
宜苟順其求不留自助也不報明年長慶四年正
月己未公年七十四告薨於家贈兵部尚書公始
以進上佐三府官至殿中侍御史元和元年以大
理正徵累遷江州刺史諫議大夫事有害於正者

無所不言加皇太子侍讀改給事官京兆尹
縱罪人詔奪京兆尹三月之俸權知尚書右丞明
年拜右丞改華州刺史明州歲貢海蟲淡菜蛤蚶
可食之屬自海抵京師道路水陸遞夫積功歲爲
四十三萬六千人奏疏罷之下邳令皆外按小兒
繫御史獄公上疏理之詔釋下邳令而以華州刺
史爲大理卿十二年自國子祭酒拜御史大夫嶺
南節度等使約以取足境內諸州負錢至二百萬
悉放不收蕃舶之至泊步有下碇之稅始至有閩
貨之燕犀珠磊落賄及僕隸公皆罷之絕海之商

有死於吾地者官藏其貨滿三月無事之請者
盡沒有之公曰海道以年計往復何月之拘苟有
驗者悉推與之無筭遠近厚守宰俸而嚴其法嶺
南以口爲貨其荒阻處父子相縛爲奴公一禁之
有隨公更得無名兒蓄不言官有訟者公石殺之
山谷諸黃世自聚爲豪觀吏厚薄緩急或叛或從
容桂二管利其虜掠請合兵討之冀一有功有所
指取當是時天子以武定淮西河南北用事者以
破諸黃爲類向意助之公屢言遠人急之則惜性
命相也聚爲寇緩之則自相怨恨而散此禽獸耳

但可自計利害不足與論是非天子入先言遂欽
兵江西岳鄂湖南嶺南會容桂之吏以討之被霧
露毒相枕藉死百無一還安南乘勢殺都護李象
古桂將裴行立容將楊旻皆無功數月自死嶺南
蕭然祠部歲下廣州祭南海廟入海口爲州者皆
憚之不自奉事常稱疾命從事自代唯公歲常自
行官吏刻石爲詩美之十五年遷尚書吏部侍郎
公之北歸不載南物奴婢之籍不增一人長慶元
年改左散騎常侍二年而爲尚書左丞曾祖諱務
本滄州東光令祖諱如珪海州司戶參軍贈尚書

工部郎中皇考諱奉父秘書省著作佐郎贈尚書
左僕射公夫人京兆韋氏父种大器評事有四子
長曰溫質四門博士遵儒遵憲溫裕皆明經女子
長嫁中書舍人平陽路隋其季者幼公之昆弟五
人載戡戰戰公於次爲第二公之薨戰自湖南入
爲少府監其年八月甲申戰與公子塋公于河南
河陰廣武原先公僕射墓之左銘曰

孔世壯八吾見其孫白而長身寡笑與言其尚類
也莫與之倫德則多有請考于文

吏部侍郎韓愈撰

朝散大夫贈司勳員外郎孔君墓誌銘

昭義節度盧從史有賢佐曰孔君諱戡字君勝從
史爲不法君陰爭不從則於會肆言以折之從史
羞面頸發赤抑首伏氣不敢出一語以對立爲君
更令改章辭者前後累數十坐則輿從史說古今
君臣父子道順則受成福逆輒危辱辭死曰公當
爲彼不得爲此從史常聳聽臨汗寤重六歲益驕
有悖語君爭無敢悔色則悉引從第壁一府柱爭
之從史雖羞退益甚君泣語其徒曰事所爲止於
是不能以有加矣遂以疾辭去

食伎樂之燕不與當是時天下以爲賢論士之宜
在天子左右者皆曰孔君孔君云會宰相李公鎮
揚州首奏起君君猶卧不應從史讀詔曰是故舍
我而從人邪即誣奏君前在軍有某事上曰吾知
之矣奏三上乃除君衛尉丞分司東都詔始下門
下給事中呂元膺封還詔書上使謂呂君曰吾豈
不知戩也行用之矣明年元和五年正月將浴臨
汝之湯泉壬子至其縣食遂卒年五十七公卿大
夫士相弔於朝處士相弔於家君卒之九十六日
詔縛從史送闕下數以違命流于日南遂朝贈君

尚書司勳員外郎蓋用嘗欲以命君者信其志其
年八月甲申從葬河南河陰之廣武原君於爲義
若嗜欲勇不顧前後於利與祿則畏避退處如怯
夫然始舉進士第自金吾衛錄事爲大理評事佐
昭義軍軍帥死從史自其軍諸將代爲帥請君曰
從史起此軍行伍中凡在幕府唯公無分寸私公
苟留唯公之所欲爲君不得已留一歲再奏自監
察御史至殿中侍御史從史初聽用其言得不
後不聽信惡益聞君棄去遂敗祖某某官贈某官
父某某官贈某官君始娶私農楊氏女卒又娶其

舅宋州刺史京兆韋岷女皆有婦道凡生一男一女皆幼前夫人從葬舅如兆次卜人曰今當歲未可以耐從卜人言不耐君母兄職尚書兵部員外郎母弟戰殿中侍御史以文行稱朝廷將葬以妻夫人之弟前進士楚材之狀授愈曰請為銘銘曰
允義孔君茲惟其藏更千萬年無敢壞傷

吏部侍郎韓愈撰

宋守御史中丞贈太尉孔公後碑

公諱道輔字原魯孔子四十五代孫其世系之譜史冊記于國封爵傳其家名教所宗海內胥仰公

天性英異在髫年則舉止莊重言不妄發咸平中舉鄉進士為兗州首冠明年春御前擢進士第特祥符五年也釋褐彭原幕時年二十七州守初易之後郡獄屢處駁議老吏嗟服彭原秩滿祥符九年詔擢為大理寺丞宰西阜才祠事不以私恩害公義故貳樞姜公為本道廉訪使行部過邑問公稅廩庾公不對但高談皇王大畧姜怒按其邑一脩舉姜不能責解邑遷殿省丞太朝上章陳祖廟制度卑陋不稱乞加脩崇優詔可其請命公躬至役事不日而成乾興元年遷太常博士天聖元

年詔本為左正言知諫院公不避權佞在諫院士
年封章論事軒陛盡規忠言密格無所隱避奏革
隨滅天聖八年春內出雙頭牡丹詔兩制館閣賦
歌詩以進公作古賦奏御引曰臣非館閣不得預
於諫道正辭臣之職也大旨陳君臣正道歲補當
時止覽之嘉賞翊日有詔直史館又判三司理司
尋為北蕃國信使舊名廷魯至是改今諱焉至木
葉山虜主命宴遣臣就席備公酒以小玉環公辭
以不飲侑者既傳君旨又曰飲此則氣和公曰不
和無害但天性不飲耳虜君臣皆相顧使還以餘

公左司諫充龍圖閣待制朝廷見語錄對虜主有
不和之害之說言事者繼進以謂正觸機會彼當
有辭見見日上問之公曰契丹為黑水所破勢甚
衰但見外見朝使臣俾館候者預構語言挑探強弱
使臣見不敢對臣恐以此輕中國上大悅由是群
謗不見進判流內銓勢利絕私請孤寒得善地為
當時見稱天聖九年出典汝陽以貳卿在單父也
亭侯見公適奉二親甚懽朝野榮之汝陽庶務澄肅
奸猾去境一日兵隸繫十餘輩云私渡黃河見垂
命釋之公自判奏曰頃者河決南燕分流及野有

司勳波利於誅求今水復故道號為乾河夫蒙之
田限以南北民情自便官禁未除寘之嚴科寔非
聖意復詔從之九年復判流內銓旋命公使北庭
賀冊禮以復命轉兵部員外郎在職天聖十年出知
許州去田素厚過期而後赴明道二年四月就移
知應天府兼南京留守司是年館內蟲饑公慮濟
之無及亟發倉以貸然後聞上父子室家相保者
惟南都馬纔十一月召入權御史中丞朝論肅清
權勢引避是年皇后郭氏將出為金庭教主公亟
率諫官御史十人袖疏伏閣請對時后已有成命

上命內侍近臣就東上閣門引公等赴中書俾丞
相宣諭公曰某等外聞中宮動搖未詳德音願面
見陛下上已歸禁中不得已見政事堂時丞相與
公對立堂上丞相曰禁中事中丞不得知或不便
於聖人臣子非所安公曰人臣視天子與后猶子
之事父母也父母不和可以諫止未聞為人子者
順父出母禁中事不當知丞相又曰漢唐以來亦
嘗有廢后公對曰方今太平天下待丞相如臯夔
日望致君如堯舜漢唐廢后何足取法丞相不辭
對公拂袖引諫官御史出明日晨謁將至右掖門

有吏持勅赴馬前已除諫議大夫知秦州臺吏促
行出都門時諫官御史十人皆一時名董范仲淹
嘗謂所知曰孔公方正名天下所共知昨嘗嬰鱗
之際事在不測觀其容止愈端重顏色不沮喪附
中臣之對荅丞相之語應若宿構言有條理此過
於前所聞矣景祐二年四月移知兗州公佩本郡
符歸故鄉專以鎮靜敦厚風俗爲務八月有詔就
拜點圖閣直學士給事中初近臣有進百首詩者
時相奏可與直學士上曰此百首詩不如孔道輔
一言故有是命時貳卿新改秘書監夫人進封仁

壽郡君公自府解詣曲阜一舍之間旌旗鼓吹之
迎引後先者勿懼呼遮擁行路至則爲壽燕樂于
私第榮遇之盛則有徂徠石守道先生恩慶堂記
具焉又以孟荀楊王韓五子排邪說翊大道像設
於祖堂西偏公爲之記觀其文亦足以見公之心
至寶元年寃項逆節朝廷思得體貌大臣端本澄
源拜公御史中丞公拜命受職知無不言無所回
避奸邪側目矣上已許大用素忌公者畏其同列
一夕事變且以治獄有附會明日罷御史中丞去
鄂州二年十一月道輔自中丞出知鄂州初開

府吏馮平元以賊敗辟連知樞密節度使知政事
程琳宰相張士遜以素惡琳而疾道輔不附也時
併逐之謂道輔曰上顧程公厚今爲小人所誣宜
爲辯之通輔入對言琳罪薄不足治上怒以道輔
朋附大臣故併出之公盡瘁感病行至滑之韋城
驛以不起聞諸孤扶護旅襯歸葬於祖林祖墓西
南偏公娶尚氏淑令有文進封鄒國夫人子二人
曰舜亮曰宗翰並中進士第女三人長適嚴中丞
李黃中封壽光縣君次適王氏次適張氏皆早卒
孫七人若升若谷若古恢惇忱皆任嗚呼公平
生以忠孝節義自任介然卓立天地間一旦被讒
讒佞奸纖喜相慰勞茫茫蒼天無言而默然者
楊震蕭望之猶不免當時謗公犯群邪與之同
仁主猶不得安其位行其道終於牖下復何言
辭陳公之訖折節待遷手斷妖蛇不足爲公道者
此不復書公在位時諸子尚幼故平生風範未暇
盡記惟宗益知之寔詳然常恨世無直筆天下能
撰皆爲勢利所屈不惟欺人耳目抑亦自欺爾
幽有鬼神安得無過今所論次直欲質諸高厚
於方來矯勢利以傳信謹爲銘曰

聖公之後不必皆賢唐亮虞舜明結頑然君子之
德未必俱全子游子路科等分屬偉哉
疑備自性達物以誠求志則粹言大靜方靈
義不回忠孝自遂長於國治勇存除斯文
武可擇山視虜於掌憂國在顏孰知天意
間謂天生賢為宋左右胡其多難跋前踖後
祚聖為孔裔胃胡其不延摧英隕秀入
獨為易羗胡可誅麟鳳可致志今在來劫不
神明共知良史勿記史筆是非人情好惡
平于全孰保公塋祖林神物來護忠骨英聲長

千古

工部郎中張宗益撰

金贈正奉大夫襲封衍聖公孔公墓表

至聖文宣王五十一代孫諱摠字允會曾祖諱若蒙
襲封奉聖公贈朝奉郎祖諱端友朝奉郎直
閣襲封衍聖公宋建炎二年冬祀大禮赴揚州
位值兵火隔絕其弟端操之子璠也襲封訖長子
極皇統二年三月補文林郎襲封衍聖公無嗣其
弟摠大定三年七月補文林郎襲封衍聖公
先聖祀事公三歲而終初得警悟及長力學自

通春秋左氏尤喜韓愈詩文談論簡尺多引其書
先輩多稱譽之公職在嚴奉林廟草木諸人無敢
輒犯宗族之間少長有禮人敬其勤復畏且愛
日顧瞻鄆國夫人殿私自言曰生為人子孫而謬
當其職使之隘陋如此寧不愧於心乎乃親率佃
戶携斧斤之具入東之蒙山躬親指畫採伐中祿
楠者旬有餘日連車接軫以歸起西廟泥山廟兩
處鄆國夫人殿及大中門家廟齋廳祭祀庠計五
十餘楹彩飾圖繪畢備朝廷聞公名召赴闕欲留
隨朝任用公力辭職專祀事不宜妨職任之不專

則特授曲阜縣令未到任歲大旱晚到任甘雨三
日而止稼穡益茂歲仍大熟公精勤吏事縣署至
所居住返十餘里及晚治縣無一日稍闕差科甚
均詞訟無滯親族有訟即移在官無少長皆由意
諸村當首本善驗物力差當公預令定奪相次明
必公矣告示比至其人已有承認交替不復更至
庭下每歲履絹凡丈人升尹善洽併全泥輸納
祠首曰自勉掠奪止令依節積糞和買使耕
起納盡革舊弊縣城堆糞壙對江修築於成置
者曰慎勿折廬舍稼穡蕃若廬舍雨凝雷晴

之塚蓋自東晉以已偉寔之無者既安吾心亦安
矣其有不咸墓穴無生暴露枯骨當遠使厚蓋之
有碑曰叢塚也沐春冬祀之墓澤是夜夢寐人
謝內一人補前岳嗟哉墓雲之弗及既寤遠人
求又得十餘副復夢來謝公存四世得數子皆不
育一日夜夢異人衣冠縛然告曰今此非爾子後
丑年庚月丁日所生真爾子矣當必元措公儉於
奉已厚於賓客周惠困窮不問家之有無娶泗水
孫氏宋副相竊孫傳之女孫後封魯郡太夫人又
娶泗水侯氏二子長即元措今襲封衍聖公次元
而巳哉

翰林學士党懷英撰

元贈中議大夫襲封衍聖公孔公神道碑

夫子之道偕天地而無既夫子之澤垂後世而不
窮群聖百王莫不是承而况於子姓者乎朝列大
夫濮州尹致政孔思誠以書幣緘父祖三世德業
之狀命文淵文於石以著其不墜厥緒之實文淵

謹按素王世紀思誠宣聖五十四代孫也素之曾祖諱元用字俊卿當金季政亂遺棄祖祠播越南遷中原不守幾二十餘年群盜攻剽累無暇日將天兵壓境公以林廟為重乃率孔族暨庶姓以降其大帥太師國王承制封拜以公世襲曲阜縣令公有文武才復拜其子之全仍令其邑授公兵柄攻取益都累有勝捷沒於王事曾祖妣聶氏封宜人婦德為宗族楷範一子即之全字工叔奎已前襲封公元措舉師同謁武憲嚴侯公因讓曰以賢以長責在吾叔元措乃許曰子父子保李林廟當

世其邑武惠允之仍居邑宰二十餘年公先考諱治字世安一字先已孝友仁厚公謹廉明文章致事為一時樞首弱冠從翰長原庵遊同門李孟間徐恆以斯文相諮議年登二十襲尹鄉邑雞鳴而起坐以待旦勤於庶務聲達朝廷其待同僚愛百姓咸盡其道時潛齋楊君師表于魯公退食執弟子禮得知新之益損齋揚公繼之復從遊盡仕優則學之道相下處士任公持正嘉其才德以女妻之其內助居多壽四十一先公卒贈東平郡君再娶華氏子一女皆任氏出子即朝列女也女適

長垣尹張執中封恭人公於二弟甚相友愛中統
四年公始權祀事嚴潔典禮惠睦宗族待姪之家
百室之半至元三年公謂權祀之職匪事功何以
塞繼述之責聞于上賜白金五十兩重脩啓聖王
殿葺書閣初還廊以石易木殿楹再新築垣圍廟
百堵皆作至元六年罷濼掃戶凡廟庭亦祭維豐
維潔咸備于已三十餘年給國家南征之役以才
幹聞五事成效最于一道年五十三告老以男思
誠襲替世尹陞公奉訓大夫知單州事將行戒其
子曰無妄怒輕笞楚人邑長者如汝之父兄幼者

如汝之子弟可不慎乎其知單州也興學校延名
士以成士風時憲府貴公按問有倫有要入自以
爲不寃至元二十八年擢公奉直大夫知魯州事
首勸儒學三皇廟正彝倫明禮法建醫學濟斯民
扶仁壽導江張公暨損齋揚公碑刻慈惠元貞政
元公見成宗皇帝于上都時大臣奏至聖文宣王
孔夫子之嫡孫其祖无用以軍功没於主事寔關
國立功之臣治權奉祀事三十餘年有德有文可
襲封爵上可其奏仍賜坐慰勞甚厚特設講議大
夫衍聖公以祖庭儀等之制築書于廟爲高榜

長垣尹張執中封恭人公於二弟甚相友愛中統
四年公始權祀事嚴潔典禮惠睦宗族待炊之家
百室之半至元三年公謂權祀之職匪事功何以
塞繼述之責聞于上賜白金五十兩重脩啓聖王
殿葺書閣初還廊以石易木殿楹再新築垣圍廟
百堵皆作至元六年罷濼掃戶凡廟庭亦祭維豐
維潔咸備于已三十餘年給國家南征之役以才
幹聞五事成效最于一道年五十三告老以男思
誠襲替世尹陞公奉訓大夫知單州事將行戒其
子曰無妄怒輕笞楚人邑長者如汝之父兄幼者

如汝之子弟可不慎乎其知單州也興學校延名
士以成士風時憲府貴公按問有倫有要入自以
為不寬至元二十八年擢公奉直大夫知魯州事
首勸儒學三皇廟正彝倫明禮法建醫學濟斯民
扶仁壽導江張公暨損齋楊公碑刻悉為元貞取
元公見成宗皇帝于上都時大臣奏至聖文宣王
孔夫子之嫡孫其祖无用以軍功沒於主事寔關
國立功之臣治權奉祀事三十餘年有德有才可
襲封爵上可其奏仍賜坐慰勞甚厚特設講議大
夫衍聖公以相庭儀等之制飛章于朝為兩弟

田五十頃復給灑掃戶重脩禮殿從公請也作堂
私第名以詩禮亦不忘過庭之教也卒象揚於大
書之紫山胡公記焉大德十一年冬十一月九日
公薨于私第之正寢享年七秩有二冬十二月望
日塋公于宣聖墓西北任氏祔焉濮州尹朝列至
由鄉縣以師表國學復授安慶推官尋知息州丁
內憂不赴繼拜僉江南湖北道肅政廉訪司事以
朝列大夫濮州尹致仕公之所處皆有能名其忠
孝廉勤皆先公教誨之力也公娶翰林應奉任君
之女振文處士公子也再娶畢氏牛氏馮氏封魯

郡君孫男三人長曰克欽牛氏出授從仕郎承襲
世尹權奉祀事娶東野嘉議公女孫女孫五長適
廣東廉使楊倬次適本縣儒士呂恪次適蘄州路
府判馬侃子元魯次適主泖水簿馮克仁次適禮
部尚書李庭寔孫士良其子孫端瀟繩壘如此我
公德業益茂矣文淵謹考世紀自子思子叔至傳
漢唐以下安國穎達而已我朝隆盛天生數公若
赫然聲烈著於兩閩保林廟以保鄉黨好學樂德
以承道統切陳大義以新廟庭近能迂績世之
忠孝遠能銘述先聖之心法以欽承有廟者

典故為之銘昭示後世彰我聖德濟嗣
無極云銘曰烈天澤以濟民
天生夫子師表百王慶流萬古奕業隆昌奉朝宗
命休有烈光素王之裔帝錫純良扶文揆武以保
魯疆象賢世邑以死勤王倚歟乃祖公將是承
思惟則天子來寧嗟若先考聿新聖宣濟人利物
以孝移忠繼述祖道朝覲帝容帝若曰意汝襲祖
封賜田復戶命爵上公文宣之澤萬類皆春永邊
心蹟拱視北辰天清地肅正我彝倫續必謬謀以
貽後人

七國子祭酒蔡文淵撰

叔襲封衍聖公贈中奉大夫河南江北等處行
中書省叅知政事護軍追封魯郡公謚文肅孔

公神道碑

公諱思晦字明道孔子五十四世孫也曾祖元孝
祖之厚贈亞中大夫濟寧路總管輕車都尉魯郡
侯父浣贈嘉議大夫禮部尚書上輕車都尉魯郡
侯母李氏追封魯郡夫人公生至元四年二月天
姿穎秀羈邕讀書已識大義導江張先生類為三
氏教授公授業焉講求義理薄詞章兼行書畫

躬耕雖劇寒暑不懈于學先生深器重之兩年十
有七禮部公棄世喪塋以禮奉母以孝聞達遂奉
聘致為弟子師大德七年遊京師國子祭酒耶律
公有尚謀薦辟之以親老固辭至大元年太夫人
卧病躬進藥餌衣不解帶及居喪勺水不入口者
五日三年喪畢三氏教授舉茂才授范縣儒學教
諭延祐二年調寧陽學先是兩邑校官率以廩薄
不能受職公儉約自將教養有法比代皆輓留
忍舍三年族人合議以公嫡長且賢宜襲封爵主
祀事上政府未決平章政事李韓公借禮部功主

襲封衍聖公月俸自百緡加至五百緡鑄印四品
泰定三年山東廉訪副使王鵬南言襲封上公而
秩正四品於格弗稱且失尊崇意明年陞嘉議大夫
夫至順三年改鑄三品印公自以宗祀責重恒懼
弗稱莅事之際必敬且慎初廟燬於兵後雖葺
而樓角圍墻未備乃竭力營度卒復舊觀登縣堂
壞儲時祀餘貲葺新之不足補以已俸

塑像補完祭器禮服請于中書置江南蘇州書院
尼山毓聖之地廟毀而碑存居民冒耕祭田且百
年矣稽諸典故言於部使者命鄒縣長泚陽令佳
覈之復田百五十畝歲入粟四十有八石因請置
尼山書院三氏學田三千畝在泚縣之刁陽為康
民所據檄州與泚縣歸侵疆州官受賕敗其事
往復辯議再歲克定鄒縣子思書院舊有錢百緡
貸於民取子錢供祭祀久則并負其本移憲司毀
之前代封聖父齊國毋魯國公言于朝宣聖封王
而父爵猶公願加褒崇有旨加聖父啓聖王母王

夫人公府初止設掌書一人書籍音樂無司之者
金穀無任出納者以是為言遂置典籍司樂管勾
凡三人分掌之祿秩視國子監且給管勾印掌書
祿視寺監五季時孔末之後方威欲以偽滅真乘
亂害宣聖子孫幾盡其後欲冒稱公以為不早辨
則真偽久益莫究彼於我不共戴天乃共拜殿庭
而列于族可乎遂會族人稽典故斥絕之家譜石
刻既燬因叅究考廣記諸書重刻焉元統元年寢
疾閏月乙巳薨于寢異香滿室群鶴百餘翔于
文見神光自東南隕於舍北云已西墓祖塋而

百步娶張氏封魯郡夫人子男一人寇堅爵嘉議
大夫襲封衍聖公至正八年陞二品銀章進中奉
大夫後歷官同知太常禮儀院事治書侍御史內
東東西道肅政廉訪使集賢直學士禮部尚書陞
西諸道行御史臺侍御史遷國子祭酒女四人適
李德明孫大用喬元善馬元用孫男九人希學嗣
爵中奉大夫襲封衍聖公希說希範希進希麟希
鳳希順希尹皆國子生希贊其季也孫女二人曾
孫男五人女四人公端重簡默動容不苟嗜學訪
人本乎真誠於宗族允隆恩義嘗曰吾家祖宗遺

澤疎遠而承嗣不不自給者周之子弟皆
籍于學教養不怠女兄適張氏而貧迎養甚謹女
弟求疾且不慧起居必待於人每親為灑沐性高
清素疎財好義嘗市物隨所需直酬之或謂彼市
道之人胡不議其值而後償公曰吾以誠心待人
其忍欺余哉所居就襲封舊廨不改作終不構私
室其薨也家無尺寸之遺松暮年多疾未嘗廢書
作字端楷可法故三氏子孫與凡四方受業仕滿
有聞于時者多公造就薨之對莫不哀之會葬於
以千計後十有七年贈中奉大夫河南江北等處

行中書省叅知政事護軍進封魯郡公謚文肅
堅以江浙行省左右丞汪公澤莫守兗州時所述
行狀屬林廟學正夏以忠來得素論撰先德篆銘
神道之碑素不敢以固陋辭則序而為之銘銘曰
微子之胤篤生聖師歷聘侯國式扶民彛維文肅
公五十四世克昌其家宏廓震厲導江張氏學探
本源授業三氏遊道之園有祭群經出自屋壁夢
闢蕪辭母俾蓁塞濮有范縣克之寧陽教行下邑
絃誦琅琅瞻茲大宗猶秉周禮襲封上公明斷天
啓趨進華秩匪公之榮右文貴德天下化成公在

魯邦士有標準胡不遐齡者碩斯隕繫子暨孫丕
承寵光節惠易名錫命焯煌爰述始終刻名闕里
與國咸休宜受多祉

翰林學士臨川危素撰

國朝故國子祭酒孔公墓誌銘

堯舜禹湯文武及孔子德皆聖人而孔子不得位
而功最高天於恒人有一善且昌其後昆况德充
天地功施萬世而身不食其報者乎堯舜禹湯文
武皆王天下故子孫受其祉有限孔子無位故遺
慶餘澤被其子孫者無窮自斯民之生未有若孔

子之德而無位者也亦未有若孔子之傳世久遠而襲爲封君者也嗚呼天之報聖人者其在茲乎公諱克堅字璟夫世家魯之曲阜孔子五十五代孫也曾祖曰之厚贈濟寧路總管輕車都尉祖曰浣累贈通議大夫禮部尚書上輕車都尉皆追封魯郡佯父曰思晦嘉議大夫襲封衍聖公累贈通奉大夫河南江北等處行中書省叅知政事護軍追封魯郡公諡文肅曾祖妣女真氏祖妣李氏妣張氏皆追封魯郡夫人公少廓達通敏日誦千餘言後學極博精尤善春秋左氏傳文肅公薨襲封

衍聖公偕嘉議大夫元重紀至元之年上疏請脩飾廟像順帝可其奏賜山東曆日錢之半給其費命監察御史族人思立持楮幣二萬五千緡勒石以紀成績至正六年中書謂公爵與階不稱奏陞之劑授中奉大夫賜二品銀章十五年平章政事達世帖木兒薦公明習禮學徵爲同知太常禮儀院事以子希學襲公爵是年冬帝親郊公攝太常事盛服檐然登降有容觀者以爲達禮御史大夫雪雪言公材宜近侍左右拜中書臺治書侍御史公辭歸明年拜山東道肅政廉訪使既受詔復辭

會山東兵亂公率家人北行次藁城丞相賀太平
秦召公集賢直學士希學爲秘書卿遣使者即藁
城起之公至燕都劇盜毛貴犯畿甸且迫廷議棄
燕遷關中公曰天子當與社稷宗廟俱爲存亡焉
可棄而他之今勤王之兵頗衆與之決戰盜可平
已如公言盜果敗去十九年遷禮部尚書知貢舉
時四方之士避亂多集郡邑公請設流寓科以取
之是年冬擢陝西行臺侍御史李思齊及察罕帖
木兒二軍爭秦隴相攻朝廷不能制陝西行省丞
相帖里木兒納思齊降將命張良弼禦之及中丞

衣澳諍曰不可二軍不敢舉兵犯奉元豈其力不
足哉特以無名耳今納其叛將而出兵禦之是引
虎使噬也丞相不從澳亦被劾去公怒曰謀之不
善亂自至矣遂自劾而歸月餘二軍及良弼戰于
鹿臺奉元果陷二十二年除園子祭酒帝賜上尊
太子書大成殿額以賜公以世亂不樂居位竟謝
病歸闕里營別業城南以居後起公爲資善大夫
集賢學士不就復以公爲滿東憲訪使奉元是年

十八年

天兵取中原

皇上手詔趣公入朝待以賓禮而不名賜褒祿不煩以
職郊社必致脯肉撫勞甚至洪武三年春以疾告
遣中使存問疾篤詔還公於家給驛券行賜金
百兩文綺八端他錢物稱是三月二十八日還至
下邳新安驛薨于舟中壽五十有五希學奉喪歸
以六月十三日塋于孔林去孔子墓二百餘步
寬厚樂易事親極孝遇族人有恩與人交不為掩
覆之計一以誠信豐下美髯容止甚都順帝以福
人稱之公娶張氏濟寧縣總管子仁女封魯郡太
夫人大人九子長即希學次希說希範希進希慶

希鳳希順希尹皆元國子生希贊其季也女二人
孫男十九人長曰訥次曰諧詢諱謙諱諱諱諱諱
調評譏謔譽誼許論曾孫男四人長曰鑑次曰鏞
曰鈞曰鏜曾孫女四人希學今資善大夫襲封初
聖公每歲朝正於京師

上寵賜之甚厚以素澳狀來請曰先君歿今年而葬
道之石無文以刻恐休德不聞於後世又冀謂何
瀛嘗獲識公且與希學善雖若矣其恐不銘銘曰
天生大聖為萬世師廓幽昭潛而施日輝功如老
舜位則不有歛其惠澤以昌厥後歷年無疆有興

有古五十餘世封君相望自侯而公愈遠彌貴桓
圭衮衣肅將祀事惟公紹家數大且文人曰休哉
聖師之孫入爲秩宗左禮右樂格於幽明上下允
若曰亂趨遷宗社震驚君臣合謀棄而西遷公曰
不然君死社稷以正伐亂勝不以力王師焯焯如
虎如豺盜遁南夷公寔啓之關陝之間將驕胥噬
彼謀不臧以水止潰公謂元戎世方興亂無失厥
防以速其叛言臧不從是臧是爲禍將逮身云何
弗歸鹽書迎拜伴掌邦教大訓宏敷聖人之道士
宇日騰位其可居退脩于家琴瑟詩書

皇明御極取聖爲則陟降

帝庭禮儀有翼生享其榮死篤其誠云誰致然聖澤休
明惟聖之澤如山如川有址有源以永厥傳繼聖
惟賢守位惟德昭績垂聲後嗣是式

翰林學士兼太子資善大夫金華宋濂撰

故資善大夫襲封衍聖公孔公神道碑

洪武十四年秋九月二十日宣聖五十六代孫資
善大夫襲封衍聖公以疾終于正寢越三年爲洪
武甲子春正月其子訥以服闋入覲禮官引見

華蓋殿

上問以宗族蕃衍子姓賢否訥奏對動合禮度即

命館于太學翌日召嗣襲封衍聖公

御製誥詞以賜既受封之五日出前左司員外郎王翌誌其先公墓誌銘示予曰不肖孤負荷先德忝嗣

厥世

聖天子不以訥無所肖似俾襲顯封位列公爵惟是先考之卒雖紀其歲月納諸壙中墓道碑石尚未有刻先生職司文衡舍先生其誰托哉敢固以請既還之四月復以書來速遂即其世系封爵卒葬月日以著之按公諱希學字士行宣聖五十六代孫

昌福通議大夫禮部尚書上輕車都尉追封

魯郡侯曾祖妣李氏追封魯郡夫人祖思晦襲封

衍聖公贈通奉大夫河南江北等處行中書省參

知政事護軍追封魯郡公諡文肅祖妣張氏追封

魯郡夫人考克堅嘉議大夫襲封衍聖公累陞中

奉大夫陝西諸道御史臺侍御史妣張氏封魯郡

太夫人公賦性明敏好學尤嗜漢隸甫冠即有成

人志二十一歲侍御公始起同知太常禮儀院事

以公襲封公克自樹立於經籍子史靡不研究問

學優瞻文詞典雅每賓客燕集談笑揮灑輒以成

章皆出人意表觀者奇之四方好事者多求公書
隸得之則什襲珍藏元季兵起青齊憂及闕里公
誓不汙於亂即間道走燕城得賜見拜秘書卿仍
襲封爵歲戊申秋

皇明初華元命海宇以次平治朝謁行在

上清問下民公即以歷代治亂條對從容有序甚嘉納
之自後歲入覲于京師賜予綢疊

恩禮益隆每正旦

上受萬國朝賀特命公班亞上相始至中使慰勞館餼
下及童隸無不霑給蓋其誠意所動

宸衷特加異數也初麻自兵後日就圯壞所廢浩穰公
從容措置期以歲月卒就成功復祭田侵於豪民
者五十頃禮器禮服樂舞儀式以次備舉燁然一
新卒復舊規年四十七卒遠邇大夫士聞者莫不
悼其不克于壽也訃聞

朝廷遣使禮祭是年十一月初六日葬于孔林之西

公凡再娶先配董氏中州功臣世家贈魯郡夫人
繼室孫氏前進士遼陽行省平章彥明女卒皆祔
葬子男二人長曰訥董氏出也次曰誦孫氏出也
女二人長適淑南衛楊鎮撫子楊思次在室孫男

一人曰稱尚幼公昆弟八人在公爲長次希說者
範希進希麟希鳳希順希尹希贊皆有文學家庭
雍睦爲東魯家法余記弱冠遊太學師事助教陳
仲衆先生而公之父侍御公寔同齋舍者有年情
好日洽後幾二十年當元李兵起公間道歸朝時
侍御公主太常公侍左右神采迥異信其名門子
也余於今獲領太學而公之子訥已襲封號則知
公者莫余若也請銘矣敢辭銘曰
聖澤汪洋厚德流芳公承其慶奕世稱昌才鬱乎
中鑑其琳琅畧畧芳葩惟德是將

皇明啓運奄有萬方崇文右教盛際虞唐適脩衰典光
我素王公襲其封世奉蒸嘗惟聖子孫表表昂昂
歲時來朝禮錫孔彰報效未伸蚤夜匪康祖庭百
儀迺復其常魯山蒼蒼泗水湯湯鬱然孔林爲公
之藏有子才良蚤服

寵章製誥維新雲漢輝煌存沒有光樹碑道傍千載
不忘

朝列大夫國子祭酒同脩 國史宋訥撰

五十七世孫襲封衍聖公神道碑銘

公諱訥字言伯姓孔氏世家魯曲阜前齊善大夫

襲封衍聖公希學之子元中奉大未襲封衍聖公
國子祭酒克堅之孫嘉議大夫襲封衍聖公累贈
通奉大夫河南江北等處行中書省叅知政事護
軍魯郡文肅公思晦之曾孫寔宣聖五十七世孫
也公魁梧厚重寡言笑篤學恭謹不以貴貴稱
士大夫喜與之遊樂善好施遇孤寡不克婚葬者
雖傾貲濟之無難色又能詩工篆法人得之者皆
傳誦誇美相貴重華聞益彰洪武癸亥居憂以
國哀赴京祭

孝陵既竣事入見

天森著隆願謂廷臣曰孔訪真聖人子孫遂賜膳光祿
命禮官館于太學遣尚書劉仲質勞問日繼庖廩
復賜衣物鈔錠充物館舍將俾襲爵以居喪乃止
服除丙寅正月朝京師既見

上大喜即命禮官卜日授爵於是以前二月二日拜襲封

之命受誥大廷百僚班列仍勅禮官以教坊樂導
送至太學學官率諸生二千餘人迎於成賢街觀
者莫不贊嘆光榮明日入謝復賜襲衣宴於禮部
又明日釋奠于學廟以拜

命告恩禮之加古未有也初行誥詞吏部奏用寶書

階

聖諭曰既爵公勿事散官但誥以織文玉軸為異耳遂

為故事每歲入覲得給符乘傳班序列末臣首焉

其廩餼下及僕從此又古未有也公天性仁孝特

宗族克盡禮意奉祭祀極其嚴敬至於廟庭猶拜

朝夕程督竭其心力不以為勞洪武庚辰九月二十

六日竟以疾終得年四十有三以本年十月二十

六日墓祖林附考墓也夫人陳氏繼商氏王氏子

男四人公鑑公鐸公鈞公鏜公鑑襲封衍聖公後

公二年卒女五人俱適賢士公鑑之子彥縉今墓

封衍聖公公之冢孫也曾孫一人曰承慶公歿後

二十年墓無文彥縉將樹碑墓道以昭先德來請

銘其詞曰

維道之高維德之厚金聲玉振以昌厥後歷世五

十而宋亡葉偉矣聞孫克紹先業宇量恢恢威儀

帖帖明詩習禮光華煜燁天之所與族之所宗

佑車錫格

宸衷榮名專壽超軼顯融寵恩異數維聖之崇佩仁履

義如守憲律終始惟靡有愆成由來龍蛇變人

之差渣爾長逝德音孔遐祖林之源

斧若堂昭穆相望維公之祀相考宅幽既封墓園
世德作求延畀後昆慶澤斯流刻詞樹碑永昭厥
休

朝議大夫國子祭酒兼翰林侍講國史總裁胡儼

撰

承事郎曲阜縣知縣孔公墓表

故承事郎曲阜縣知縣孔希範者孔子五十六世
孫也歷官十有七年以目青致仕踰年而終享年
六十有五既葬之五年其子詢寓書奉狀來徵墓
文公字士則元中奉天大襲封行聖公國子祭酒

嘉議大夫襲封行聖公累贈通奉大夫

河南江川等處行中書省參知政事護軍追封魯
郡公謚文肅諱思晦之孫累贈通奉大夫禮部
書上輕車都尉追封魯郡侯諱沆之曾孫曾祖妣
李氏祖妣張氏皆追封魯郡夫人妣張氏元濟寧
路總管子仁之女封魯郡太夫人公夫資穎秀志
宇魁岸自少侍中奉讀書成均精勤博學尤為天
所器重元季兵亂侍奉歸闕里以

國朝王師下中原有

詔即闕里起中奉公侍行宮是時

朝廷齋崇先聖於中奉特加恩禮而公之兄弟學行
襲封衍聖公族沐復以賢推欲薦公知曲阜公曰
先聖德澤物被後胤吾兄弟豈得獨專其美於是
讓其從叔父克當克當穿及讓其從兄希文希文
卒既而族人卒薦公遂拜世職之命寔洪武二十
八年春二月也公為政直道而行於宗族於鄉人
不以私廢公不以恩掩義遠近之間小大觀瞻咸
懷其惠邑嘗有豪強誣細民代戍邊者其人皆下
關節民被鉗制受誣不能自直公嘗曰吾為令家
難偏不理非職也乃具本末力辯救其官事是初

民得直而罪其豪強其他效尤者遂斂跡初五季
時有外孔氏嘗冒聖緒因亂肆毒幾絕孔氏至其
子孫亦假託世胄覬蠲徭賦公曰是亂吾宗也今
不明後世莫知矣乃力斥其非絕不與通因以宗
譜重刻石廟庭本支原委察然別白千百世之下
雖有昧冒不能紊也四代祖考墓塚之碑闕公皆
建立上以昭先德下以貽孫謀其志動矣哉心漢
有喪不能舉邑有窮獨死無後者往往具棺殮以
葬之人有孤子女貧無以嫁娶者又給資裝為之
嫁娶今襲封衍聖公考縉公之從曾孫也初在

祿而孤公保育調護俾克成立歲時祭享皆主祀
公而事無大小不避愛憎一切視為己任由是內
外族姻無不順適賓禮往來各得其宜至於營繕
廟宮而著其功能壅復上田而增其歲廩衛老民
而申樵採之禁贊公府而杜請謁之私凡於宗家
無不盡心焉乃以永樂十年十一月初八日終於
正寢是月丙午塋祖林之原孺人畢氏有賢德
相其家後公五年卒其塋也祔于公墓子男三
日詢曰誠曰豈豈早夭女四人俱適賢士孫男八
人公貞公英公欽公良公綱公恕公禮公溫

四人皆在室嗚呼公之心純而正行潔而方才幹
而周政通而和孝友忠信出乎自然高懷雅量不
見畛域而又文以詩書節以禮樂雍容揖讓於其
間信乎神明之裔卓然不可及矣而遺愛之在人
者詎可泯耶謹論次其德善用表諸墓以告來者
朝議大夫國子祭酒兼脩國史胡儼撰

五十八代襲封衍聖公孔公墓表

公諱公鑑字昭文姓孔氏宣聖五十八代孫而世
為嫡自高祖至考皆襲封衍聖公高祖諱思瞻附
中奉大夫贈河南行中書省參知政事諱文肅

祖諱克堅階通奉大夫軍國承祭酒祖諱希學階
資善大夫考諱訥執夫人陳氏子男五各以謀猷
也生而岐嶷稍長端厚簡重不妄言笑而嗜讀書
讀書窮理日進月益其器識宏遠儕輩莫及也持
身以禮而事親至孝親歿哀毀屢絕復蘇終喪不
一踰於禮度歲時薦祭竭誠敬如生養者既襲封
衍聖公益慎儀則恂恂下鄉里襲封之又明年以
疾終壬午四月五日也年纔二十有三遠近聞者
無間識不識咸共悼惜

太宗皇帝初臨御遣使賜祭公娶胡氏孔顏孟三氏教

授進士胡復性之女有婦道一子彥縉襲封衍聖
公彥縉與余同

朝久間泣謂余曰惟先公之行其實不愧古人而秦
代于今二十有六年墓石未有刻詞願徼惠執事
庶貽不朽嗟夫孔子明先聖之道立教萬世而禮
為大防天下之人其言與行有一弗迪於禮不可
以名士矧為孔子之後者哉聖人嘗謂其子不學
禮無以立如公者真不忝孔氏之後哉惜乎年之
不永而世莫睹其所至也故撮其行之可以範俗
者表諸墓道

祭祿大夫少傅兵部尚書兼華蓋殿大學士廬

陵楊士奇表

贈承事郎曲阜縣知縣孔君神道碑銘

宣德元年二月十二日

制贈曲阜縣知縣孔克中之父思政爲承事郎曲阜
縣知縣母李氏爲孺人於是克中特植碑于墓用
昭

國寵表先德於無窮而以前進士黃謙所述事狀請
文思政宣聖五十四世孫宋御史中丞道輔其九
世祖也曾大父諱元憲大父諱之英皆隱居不仕

父諱濟元洙泗書院山長有師道母李氏一子長
思範聖澤書院山長次思政也字近道魁偉有雅
量嗜學自少壯至老手不釋卷博通經傳而以窮
理爲務恒持不自足之意嘗爲虞城縣學教諭躬
勤勵以先諸生而啓迪有方每諭諸生曰學道必
見諸躬行非徒知之而已其平居蹈履確實皆素
所以教人者以是諸生心服之元末歸不出惟以
奉親爲樂供養至孝親喪哀毀屢絕禱猶食粥私
居不苟去禮服見子姪必冠帶與儒生朋友講議
道德必令子姪侍側使浸漬長益於時賢士君子

皆樂內交焉遇人有急必周之有貧券者曰吾豈計償哉不受有犯未嘗校而犯者卒自愧悔求謝故里中號長者不屑意生產晚惟樂志琴書吟詠而已素無疾一日忽若不憚然者顧諸子曰吾其逝矣若等惟力學務善以無愧孔氏湏臾卒洪武庚申十一月十六日也時年六十有九李氏鉅野名族有令德後近道卒之八年十二月二十六日亦卒年五十有九合葬之處距宣聖墓西南九十餘步從先兆也子男三克淵先卒次克一次克中舉賢能知曲阜今十有九年行義治蹟灼灼有可

稱女二長嫁石壑次嫁劉澤皆儒家孫男十希誠希詠希誼希古希韞希崇希勉希準希敬希恭希女孫五長嫁貢士王軫次嫁董蘭次嫁賈博次嫁典仗范文一未行曾孫男十二訐譎訓諱諗審誦登誣訛讒謳銘曰

凡世之氓咸勵于脩庶光所生弗貽之羞矧厥殊源神明之胄自彊以續其敢或後宣聖為法天下萬世矧時厥家祗率可急惟道甫躬潜在下考德暨行不忝于祖不忝為孝匪學弗臻尚克有承在其後人

榮祿大夫少傅兵部尚書兼 華蓋殿大學士廬

陵楊士奇撰

承事郎曲阜縣知縣孔君墓表

洪惟

國朝統一寰宇文教誕敷首

詔尊崇先師孔子命其子孫世爲衍聖公復簡求其

族之賢者主曲阜縣事誠盛典也君姓孔氏諱克

中字正夫宦登聖五十五代孫永樂辛卯擢曲阜

知縣

賜勅命授承事郎君自幼聰慧喜讀書每於聖言

有所得輒起而歎曰此吾所當力行者也及長智

識超卓言動不苟嘗自謂出自聖裔不以禮義持

身可乎故事親事長孝敬篤至凡所經營必協知

度於是聲譽日彰既蒞縣事撫輯有方施設有序

吏民愛之而亢夙夜盡心贊輔行聖公爲其所當

爲尼山祖廟先聖瑩域諸祖丘壠及學校壇場傳

舍之類莫不增飾而完固之待宗戚賓友以禮撫

孤幼僕隸以恩冠婚喪祭者必資助之飢寒失所

者必周恤之由是舉族稱其賢一邑頌其德邑人

有社徵者君愛其惇敏勸令就學至捐俸爲擇良

配徵賴以成業其樂於爲善類如此宣德壬子六月庚寅卒得年六十有一卒之日聞者咸悼惜之是年七月癸酉葬先塋之側高祖諱先恩曾祖諱之英皆積善有聞大父濱洙泗書院山長父思政虞城縣學教諭以君貴贈如君職母李氏贈孺人配陳氏封孺人涿鹿衛指揮同知陳玉之從姊儀行具美內助克勤子男四人希崇希勉希敬希恭皆惇敏好學希恭授宗人府儀賓尚

魯府文登郡主女三人長適鄉貢進士王軫次登卒幼適典仗范文孫男五謠議詬嘗諳文六塋之明

年春衍聖公彥紹來

朝遣典籍賈綱奉狀請文表其墓予惟聖人之道亘天地古今而無間故其教彌流亦亘天地古今而莫窮正夫爲聖人子孫克篤聖人之教淑慎其行共脩厥職有德於人蓋無忝於聖人之後也是用撫其大槩俾刻石樹之墓道用昭令德于永久焉祭祿大夫少傅工部尚書兼 謹身殿大學士

國史總裁建安楊榮撰

承事郎曲阜縣世職知縣孔公墓表

曲阜縣致仕世職知縣孔公墓表景泰四年癸酉二

月初二日卒于家距所生洪武二十八年乙亥二月二十四日得壽五十有九卒後甫閱月其從子襲封衍聖公彥縉偕其遺孤彥紹等扶襯墓魯城北祖塋之側後迺重惟墓石無文無以昭潛德示來世以予昔備史官托在嫺戚之末備述公之行走書京師命予為銘以表諸墓予交公素厚而予仲子越今為奎文閣典籍又公之子壻也義不敢辭按狀公諱公鏜字聲文宣聖五十七世孫襲封衍聖公諱訥言伯之第四子也曾大父諱克堅大父諱希學皆以世嫡襲封衍聖公妣陳氏封衍

聖公夫人言伯卒公鏜襲其官實公之兄彥縉之父也彥縉蚤失怙時年甚幼而公扶持保卹無異已出旦夕教之讀書讀禮以至成人之道靡不究心永樂庚寅彥縉年甫十歲命襲官京師公輔之行於凡道路寒暑飲食起居之節與夫

陛見辭進退周旋之儀悉合矩度者公指授為多公為人慷慨有氣節敦信尚義人有失輒面質其是非不少貸時以孔門御史目之性聰穎於經書子史涉獵貫穿靡所不究而於前言徃行古今人物論議評品尤為精切下筆為文辭滂沛浩瀚滔滔

汨汨不爲繩墨所拘其詩吟咏性情詞意俱到家
舊有腴田百頃利收數備積盈倉箱常以周族之
不給與婚喪之不能舉者而里中貧乏多所賑貸
往歲

朝廷命大臣脩葺先祖廟庭簡族之賢有才者董其
事公與馬宣德中曲阜世尹缺員衆議推公公謝
不就

命既下而公不獲辭其居官清慎忠勤公慮明恕興
學重農而惠鮮之政尤歷智慮於厚族周人之心
視前益廣也正統中

聖天子視學詔衍聖公偕三氏子孫之賢者陪祀先師
禮成宴于

奉天門并賜宮錦襲衣公親應對時人榮之居官十
年邑中大治嘗語人曰功成身退天之道也乃上
疏曰臣本無似賴祖宗餘澤大宗爵及臣姪而世
尹又加臣身美官兩世出臣一門乞以族之賢者
代臣致歸田里

朝廷不許閏三年時有無賴者誣陷以事法當罷官
公曰吾願也曷辯爲用是得歸築室沂水之陽而
池臺亭榭花卉魚鳥之樂足以供賞玩怡心神日

與騷人墨客優游觴咏於其間因自號曰沂雩散
人景泰初

今上皇帝駕幸太學召彥縉來朝以觀盛典因疏公被
誣之由以

聞即日詔復其官命休致于家從之也初娶荆氏

前翰林院孔目縉之女縉有先聞範贈

孺人生於洪武乙亥三月十九日卒於宣德辛亥

七月二十九日壽三十七繼娶王氏濼寧衛指揮

諱禮之妹有賢行封孺人生於永樂庚寅八月二

十九日卒於成化庚子八月初二日壽七十一側

室劉張子三人彥紹荆所出彥緯劉所出彥紘張

所出女八人長淑敬適許越即典籍也次適臨清

衛指揮王鏜次選爲鉅野王妃次適臨清衛千戶

王英次適兩浙運司大使寧陽許銳次適濟寧衛

指揮趙雄次適錦衣衛鎮撫趙承章次適鄉進士

王琮孫七人長即賢孫女九人曾孫六人曾孫女

二人蘭芽秀出未可量也嗚呼公以神明之裔學

優而仕有及民之惠朋族之仁而今已矣宜人之

景仰哀慕之不能自己也書其事表諸墓道後之

欲知公者盍於此考徵焉銘曰

魯多君子漸濡道義而况於公神明之裔學飽詩
書政成簡易文以成章詩能言志神人和悅民物
攸遂誰其爲之公德所致三仕三已安於命義喜
愠寵辱曾無介意遺榮養高林泉退避天禍善人
一疾長逝魯城之北祖林陰翳勒石有詞昭于永

世

賜進士正議大夫資治尹禮部左侍郎兼翰林院學

士知制誥寧陽許彬撰

孔顏孟三氏子孫學錄孔君墓誌銘

景泰四年六月二十五日孔顏孟三氏子孫教授

司學錄孔君克晏以疾卒于家距所生洪武三

一年十二月十六日得壽五十有六卒之年九月

九日其子希璜扶襯塋祖陵先塋之次後二年大

宗子襲封衍聖公彥縉來朝京師持教授江永清

所狀事衍來祈余銘按狀君字堯夫姓孔氏宣聖

五十五世孫曾大父諱之僅元深澤教諭大父諱

涇元翰林檢閱父思楷家門族長母某氏端淑恭

慎克持婦道君生而資性靈明澤然天理宗師目

爲處乎而奇其復必有異於人也其聰穎過人讀

書務以千遍爲率字字句句不輕放過務在咀嚙

滋味探頤理趣不極其至不止也其爲詩若文卷
不輟率必再復題意遣詞說理務極指歸然後落
筆成文往往有動人語嘗遊行遇婦人女子必面
墻俟其過一日遇遺囊于道棄而不顧以是人益
重之比長泛江淮浮汝泗覽名山大川吊古興懷
以增益其所見聞歸而大有所進豈非士之致遠
有資于遊乎昔賢稱司馬子長文字踈宕有奇氣
者從燕豪傑交遊故也余於君亦云故族長公嘗
曰負才名而不玷先祖之家聲者必吾克晏餘子
碌碌不足較也平生一芥不取諸人遇宗族之婚

喪及里人之貧乏者雖傾囊與之無吝色宣德壬
子用薦補今官其教人也一體聖賢敦本尚實不
事浮靡而士子賴以造就者進士則孫昱孔公恂
鄉舉則孔公錫孔論也其他惇德飾行賴以成就
者比比而是嘗自作春帖有曰恥學屠龍寧自拙
未能送鬼任多窮又曰百年無日不青眼一世與
人惟赤心觀此則可見君平生之抱負矣遺族長
公喪凡衣衾棺槨必極周備求無憾于心而後已

景泰庚午

駕幸太學召三氏子孫賢而長者詣京師觀禮有官

錦襲衣之賜君與焉。馳而薦君為族長。乘替稱宜。宗黨子弟脫有不律者。君召之庭下。一言即折。其是非。彼即愧悔。感悟。俯伏走墻下。不自覺其屣。乘也。衆方以族長得人為賀。不意哲人不壽而竟以疾告終也。配徐氏。濟寧儒醫徐之道女。婦道母儀。咸有可稱。子一人。即希。其篤志問學。知君有子矣。女一人。字靜安。兩淮運使以蘇公之子傑其婿也。嗚呼。天之生人也。既豐其才。而畱其壽。而又使之不獲究其所施設。或者謂君以醇厚之資。有餘而應變之才不足。殊不知神駿之馬。可以一日千里。而不

可以從容鸞和於交欄之舞。寬博之衣。可以揖讓升降。而不可以奮揚干戈於戰陣之交。彼鳳凰麒麟。非可以資服乘也。醴泉芝草。非可以適飢渴也。然而一日至焉。山川為之春。涵草木為之玉。潤蓋天生神物。稟乎冲和之至。自然有以暢達無所事乎用力也。然則先生之為人。有益於世者多矣。及又能立師道。以造就多士哉。是宜銘銘曰。猗歟孔君。神明之胄。性之聰。惟質之厚。問學充德。音曰茂。孔顏與孟。三氏有後。君為訓。勸。振于成就。人與之交。若飲醇酎。薦之族長。維持。

姓宗姻式循矩度胡為一疾哲人不壽我作銘詩
用表諸墓振烈揚芳萬古無欺

翰林學士寧陽許彬撰

故襲封衍聖公孔公神道碑

公孔氏諱彥縉字朝紳其名與字皆

仁宗皇帝所命也我

朝之治天下所以綏萬邦和兆民者不用他術惟宣

聖之道是用尊其道而一及其子孫是以若是其厚

也公世家曲阜於宣聖不約五十九世孫元嘉議太

大襲封衍聖公累贈通士奉大夫河南江北等處行

中書省叅知政事護軍魯郡文肅公思晦公之五

世祖也元中奉大夫襲封衍聖公國子祭酒克堅

公之高祖也曾祖希學大父訥父公鑑俱襲封衍

聖公妣皆夫人公早孤母胡夫人教育之天性孝

友不妄言笑未嘗慢戲佚遊人有忤言言不與校

或言相媚悅亦不為異屹然端重如成人焉甫十

歲

太宗皇帝召使襲爵觀其言動進退從容詳雅喜謂侍

臣曰真神明之裔也餘之太學而禮待甚厚既歸

日取宣聖之書讀之而充篤志於論語九章言志

行所以脩己治人者不必慮於心曲導知縣李鐘者公之季父也公於事無巨細皆咨決焉由是才識益高聞見益廣度量益寬而有容不可以毀譽動而亦無愛惡於人人以為有長者風輕財重義出於自然親黨有吉凶事而禮不能備公為相成之孤女及時而未行者則備資裝相攸使而歸令監察御史張子初劉安順天尹王賢兵部侍郎王偉皆其所擇婿而人以為宜室家者凡其所行合於誼多類此是以上自

朝廷公卿大夫以及士庶人皆敬愛公其入覲得乘

傳班列文臣首洪熙中賜第於東安門北宣德正統以來禮之尤厚

今皇帝視學特召公觀禮賜冠帶錦衣越三年來

朝復賜三臺銀印玉帶衣金麒麟文視一品皆異

數也公受恩而歸即上表謝告宣聖廟而大嘗宗姻以彰殊遇宴享未終得風疾而卒景泰乙亥十月二十一日也距其生洪武辛巳三月十二日壬子年五十五訃聞

上深嗟悼命禮部治喪工部瘞墳塋而厚時郵馬公配
夏氏子山水慶皆先卒江氏子曰承吉亦先卒

庚子曰承澤承氏子曰承源女三長適山東都指
揮使吳勛之長子越次適兗州護衛指揮鮑珣之
長子克恭其一幼承行孫二弘緒弘泰長子承慶
既卒孫弘緒當立即驛召來

京俾襲封衍聖公而恩禮篤至所以錫賚者一不異
於公昔時弘緒歸將奉塋于祖林先考墓次謂行
道之碑宜有銘而以請于余余又何以彰公之美
哉然不可辭也乃爲序而銘之銘曰

文教之興大聖以生天寶相之後有孫曾自周以
來綿綿其胄暨公之世五十有九於昭聖神煥乎

文章日月有恒道德之光惟我

宣明寔賴于洽疏爵襲封

列聖之制位秩之高章服之華厚德殊恩乃錫乃加公
之侯侯克念舊武胡不百年以篤斯祜魯林之原
封樹在焉雨露潤之藹其惠華神道有碑須以
趾刻詩勒銘焜耀無已

先祿大夫少傅兼太子太師吏部尚書奉天王

撰

大漢封中順大夫大建寺左少卿孫公泰

鳴呼生民以來未有威於孔子宣乎孫愈人而

愈衆焉以今觀之又非往昔之匹何哉於衆之中
又多出色者若火卿公其一也公諱信宗憲伯別
號介菴乃孔子五十七代孫世居闕里祖廟之右
即宋御史中丞道輔故宅也曾祖思睿著德弟
祖克全以孝行教授淮安路父希泰當元季不樂
仕進奉親盡孝讀書尚志教授鄉里及致門人私
謚曰孝和處士母畢氏有淑德伯父希文爲西阜
令惠政有聞公天性孝友雅志好學日記數千言
從師取友大有所就永樂辛卯以詩經領鄉薦明
年赴春闈不利而歸慨然嘆曰吾二親老矣况伯

父母無子俱垂白在堂尚可離乎遂養親不任久
之四親相繼而卒公於墓祭無不用情鄉黨稱其
孝焉凡親族中孤無所依貧無所濟喪不能舉疾
不能醫者必周旋賑恤之務盡其心而後也祖庭
事有乖於禮者必正之每時節合族謁祖陵有一
不至者必責其慢舊時五服之外以爲親盡有喪
不吊公曰吾族聖人之後豈可同於常人乎有是
雖踈亦吊遂爲故事鄉之婦有再醮而死者前夫
之子訴于公請合墓公曰不可夫死改節義已絕
矣卒歸後夫以故自守子而下凡事皆取法焉識

者謂公既能力學取高科未何半食於家不
施其所蘊母乃不可乎公曰聖祖有云惟養友于
兄弟施於有政是亦爲政矣其爲爲政邊吾祖訓
而已胡爲不可予公恂復脩舉子業登進士第拜
禮科給事中累官少詹事大理左少卿兩獲推恩
封公如其官公澹然不以寵榮動心惟誠公恂盡
其職已而公恂復爲少詹事兼左春坊左諭德尋
坐言軍國事出知漢陽便道省視公誠之曰爲臣
惟知報國而已他非所恤越數日感舊疾而卒在
是歲六月一日享年八十有二公爲人嚴毅方正

寡言笑識大體平生無射利心物有非義者一毫
不取自建立有家子孫百餘口量入爲出自奉其
薄庭無間言上下肅然鄉人有犯之者不與之校
且曰人能忍難忍事則無事矣嘗構一亭扁曰曰
雨以爲遊息之所左右植以果卉士大夫往來者
必宴飲其中而多題詠焉公雖老手不釋卷老尤
觀史凡歷代君臣賢否治亂得失皆得其詳嘗曰
天下事無不可爲者顧君臣相遇何如耳味斯言
也可以知其所存矣使其見用於時而功名事業
詎可量哉公配王氏繼胡氏俱爲恭人王氏子男

三人長即父恂次曰公愷次曰公亦次曰公俱通
士族孫男五人孫女二人曾孫男二人卜以是歲
十一月十六日墓于先塋之次噫公之所學不難
於道其行誼可以表鄉俗振士風其家法可以傳
于孫範來世謂之出色不亦宜乎遂據三氏教授
田良狀撫其槩以爲表俾刻諸墓石用光于前云
光祿大夫柱國少保吏部尚書兼 華蓋殿大學
士知 制誥知 經筵事 國史總裁南陽李賢
撰

故中憲大夫詹事府少詹事孔公墓誌銘

少詹事孔公墓誌銘
以公之遺書授三氏教授清苑田良先生狀請銘
諸山子與君若曰爲通家人常同遊學宮哭公且不
職忍能銘公之墓耶然公之遺言不得辭接狀公
諱公恂字宗文宣聖五十八代孫世居闕里祖廟
之右蓋十四世祖宋龍圖閣直學士御史中丞諱
道輔之故宅也曾祖諱堯全以文學教授淮安路
祖諱希泰隱居讀書不樂仕進考諱信學憲伯雅
志好學以能經取永樂辛卯鄉薦爲通親老遂不仕
天順戊寅以公貴封禮科給事中甲申進

寺左少卿妣王氏繼胡氏俱恭天公自少警敏進
人始從學三氏學教授廣平張先生敏及清江裴
先生侃日受數千言過目成誦爲太講聲宏博下
筆無滯詩造感唐書遍趙松雪以禮經中正統甲
子鄉試景泰甲戌捷南宮將及

廷對聞母喪

上知之念公宣聖之後命翰林給紙筆俾就試天順丁
丑授禮科給事中公正色立朝知無不言有古諫
官風旣而奏

勅賞賚邊以弊革侵漁人蒙惠幸已蘇之嘉定

有竟獻未雪公性勤之至即白人替服其明癸未
上念公聖人之後宜在宮坊陞詹事府少詹事每進講
容止安閑詞氣正直論者謂得講官體成化改元
今上嗣登大寶譚公大理左少卿未幾仍復少詹事兼
左春坊左諭德丙戌坐言事出知漢陽府適父喪

不果行庚寅仍復少詹事南京管事今年六月二
十五日卒于官公居家孝友凡有凶吉事一遵於
禮而不苟事繼母如事所生待二弟友愛尤篤處
宗族曲盡恩義教子姓嚴而有法娶樊氏堯公卒
刑部侍郎樊公之女繼娶余氏魯府良醫余公

之女俱贈封恭人有賢符予主人考祀考勳考壽
皆讀書守禮有科目志安二人長適濟州衛中指揮
唐之子寧次適沂州衛陳指揮鎬之子玉孫男
三人承詩承禮承書距公之生永樂癸巳享年五
十有九以成化辛卯十月初二日塋于先隴之次
嗚呼公神明之胄起家爲名進士仕於

朝爲近侍爲廷尉爲官坊輔導所任有聲人皆尊而
仰之其遭際之榮疇克如之次而銘之百世之下
豈不尚有觀感而興起者乎銘曰

猗歟孔君官聖之孫家傳詩禮學究天人宏中其

外而鳴以文乃領鄉薦乃充國賓官列近侍青鎖
金門文華講道堯舜是陳持平大理稱物惟均先
于家世顯于縉紳今終無愧允矣全臣祖塋之側
泗水之濱安靈泉室億百萬春

賜進士朝列大夫山西布政司左叅議前翰林庶吉
士里人孫昱撰

贈衍聖公孔公夫人王氏合塋墓誌銘

太史公記魯哀公十四年四月孔子卒塋魯城北
泗上至六十四代孫承慶配王氏卒塋于德子孫
秦馳書京師問銘于大學士劉翊曰古者塋後

大夫有德善功烈子孫必為器以繼禮也禮國人
為之茲魯無君子乎而千里外而聞魯焉無非所
以彰其親之善懷之至也珣豈敢恃不腆之末子
爰誌曰公諱承慶字永祚曾祖訥祖鑑父彥縉
無不行聖公者曾祖妣祖妣妣無不夫人者夫人
王氏父諱賢致仕順天府尹寧陽人妣施氏封淑
人公生於永樂庚子三月七日夫人生於永樂己
亥二月二十日公出於大聖人之後長於大聖人
之里耳之所聞者聖訓目之所覩者聖善十一歲
遭母喪自知素禮不易旦夕哭泣本後人慕事早

卑無慮數百皆曰此兒遠大稍長奉諸母諸弟行
皆得其歡心其於六經子史演獵殆盡獨嗜詩有
禮庭吟藁若干卷藏于家視世之富貴侈靡若特
免已鄉族有衣食不足婚喪不舉者周之以為常
一時賢譽駸駸孔宗之右公之行實如此大人少
讀女教諸書善於筆札且天性孝友嚴慈安孝家
務如素習然井井有法孔王三家相去二舍許相
聞有素一言而綢繆矣晚歸以事素尤孝事舅
姑以治父母之家治夫家事舅姑之禮禮稱其所
以事舅姑之禮事夫與夫之禮禮稱其所

慈孫子之黨如子也夫喪舅妻一違家禮常歸三
十年不御膏沐魯之女婦前乎夫人者自嘆曰不
及後乎夫人者咸取以爲法夫人之行實如此公
以景泰庚午十一月二十六日卒春秋三十一歲
三十二年爲成化辛丑夫人以正月人日辛春秋
六十三計

聞朝廷遣行人汪舜民諭祭進士王寅塋塋下是歲十
二月二日合馬前去附塋于側是也子二長弘緒
秀異聰敏十言過目成誦吟詩作字可觀者縉卒
未幾驛

召至京命襲爵

賜誥贈公如例封夫人爲太夫人次弘泰亦襲馬儀
度中矩好學不倦二子者珮皆及識之允稱其孔
聖家兒也爰銘曰

孔門五十有一世胤嗣繩繩引無替禮庭頭角逸
凡庸有淑者媛其伉儷家藏詩句鬼神驚人許才
華翹連器本宗族屬恩禮周近魯貧窮同一視昭
彰聲譽四方聞座右奄看鵬鳥至夫人傷盡未亡
身三十餘年堅節義懿規內範女中師二郎並是
雲間瑞高堂感福老逾安泉下鄉鄉成久遲

大廷卹典已均覃幽顯哀榮良有自聖澤綿延天地
長萬古虹光照清泗

資政大夫太子少保戶部尚書兼 文淵閣大學
士知 制誥 經筵官兼脩 國史 王牒青齋

劉爾撰

贈襲封衍聖公孔君神道碑

君諱承慶姓孔氏宣聖六十代孫以嫡派世家曲阜縣之闕里自其父彥縉祖公鑑曾祖訥以上俱以宣聖恩襲封衍聖公配皆夫人景泰六年君之父卒訥聞于

朝君雖家嗣而先五年卒矣詔即日驛召其長子弘緒至京襲爲衍聖公時冠帶秩視一品并贈君襲封衍聖公配王氏封太夫人亦自弘緒推恩也既而弘緒痛惟先德無以表示後世乃奉工科左給事中同郡孫昱所狀君平生求書于神道碑君母夫人夏氏江西布政使司叅政維揚濟之女也君生自幼端重敏於問學年甫十一遭母夫人之喪秉禮疑如成人而孝以奉父暨諸母皆能得其懽心遇諸弟妹無間母之同異一以友愛爲務至於敬長慈幼賑貧恤孤施於族姻鄉黨無不各盡其

情稱之者殆所謂人不問於其父母昆弟之書
至於自奉儉約自處謙下則又有非他人所能
者於書無所不欲講求其義尤銳志於壁經嘗
前教授清江裴侃學錄族祖克晏及今教授微
江永清授業朝夕淬礪雖盛寒暑不廢雖勤於
取者不能過也宣聖嘗稱顏回者好學不幸短
死矣今也則亡以君好學而年又幾於顏以卒
此安知不復見嘆於其祖於地下也哉君喜吟
所作多有新意集若干卷名曰禮庭吟藁先是
父欲因衰老上請以君襲封如已會君祖母太

人喪不界至是乃蒙贈典益加厚云其生永樂
八年三月七日卒以景泰元年十一月二十六
享年三十有一其配則今順天府尹學正王君
也子男二人弘緒弘泰以卒之年十二月二十
日葬君松林之側銘曰

巍巍孔宗儒道所寄肇自宣聖四方仰止功在
經澤被萬世世承有自爵襲無替由昔至今為
凡幾臻為六十彥縉之嗣生稟不群資性淳美
重族姻行先孝弟博學多才人稱無異璠璣魯
瑚璉夏器昔重當時今見闕里為國之珍為家

情稱之者殆所謂人不問於其父母昆弟之書矣
至於自奉儉約自處謙下則又有非他人所能及
者於書無所不欲講求其義尤銳志於壁經嘗從
前教授清江裴侃學錄族祖克晏及今教授徽州
江永清授業朝夕淬礪雖盛寒暑不廢雖勤於進
取者不能過也宣聖嘗稱顏回者好學不幸短命
死矣今也則亡以君好學而年又幾於顏以卒如
此安知不復見嘆於其祖於地下也哉君喜吟咏
所作多有新意集若干卷名曰禮庭吟藁先是君
父欲因衰老上請以君襲封如已會君祖母太

人喪不累至是乃蒙贈典益加厚云其生永樂十
八年三月七日卒以景泰元年十一月二十六日
享年三十有一其配則今順天府尹寧陽王君六
也子男二人弘緒弘泰以卒之年十二月二十六
日葬君社林之側銘曰

巍巍孔宗儒道所寄聲自宣聖四方仰止功在六
經澤被萬世世承有自爵襲無替由昔至今為代
凡幾臻為六十彥縉之嗣生稟不群資性淳美志
重族姻行先孝弟博學多才人稱無異璫璣魯玉
瑚璉夏器昔重當時今見闕里為國之珍為家之

瑞天畀胡厚神奪孰屬壽比於顏必其一歲古今
殊時死生常理不泯者存君其何媿祖林之原山
水清懸况有依歸安其何賦煌煌美辭及于賢子
於乎孔君死猶不死

光祿大夫少保兼太子太傅戶部尚書文淵閣
大學士脩國史知制誥同知經筵事廬陵

陳循撰

敦友處士孔公墓表

公諱諒字崇伯宣聖五十七代孫高祖諱浣元贈

通議大夫禮部尚書上輕車都尉魯郡侯曾祖

思晦襲封衍聖公贈通奉大夫河南江北等處行

中書省參知政事護軍追封魯郡公謚文肅祖諱

克堅襲封前爵兼國子祭酒高祖妣李氏曾祖妣

張氏祖妣張氏皆封魯郡夫人考諱希鳳國初潛

德弗耀里稱爲孝穆處士妣王氏生六子公其長

也次曰評曰諱曰論三氏學錄曰謹壽官曰診公

生而天性質直不妄言笑在髮續學幼書至忘寢

食舉止恂恂有禮度不事嬉遊大宋元深重之嘗

撫其頂曰異日克吾宗者此子也稍長既絕意仕

進養高林泉每遇佳山水徜徉竟日忘去時或觴

詠耕釣以為樂不戚昔人風致撫愛諸弟老篤家
居一飯必共案出入必聯轡弗至則停筋立馬以
俟無倦容親朋抵其家遂命酌呼諸弟以次勸酬
講論典墳賡唱詩句壘壘數百言可聽可愛諸弟
薰而善良者居多族長屢以勗其族人曰若等能
如崇伯兄弟亦足矣教子姓嚴而有恩雖微過訶
責不少貸晨夕侍左右恒額而進之曰某也學某
也田毋效薄俗子游手惰時以為門戶羞見鄉鄰
貧乏者捐橐金賑之不吝亦不祈報而時解其忿
事多有不跡官府而就公求決者其臨事接人却
而不苟大率類此故事

新天子即位視朝詔行聖公偕族之賢者陪祀公屢與
焉貌溫氣肅應對稱

旨宮錦襲衣經書之賜不一蓋

特恩也鄒魯士大夫之談者咸以公為孔氏良子弟

云景泰丙子二月三十日以疾卒于家距其生洪

武癸亥十一月十八日得壽七十有四鄉鄰相與

為位哭之私謚曰敦友配陳氏主簿懋之女有賢

行先公五年卒合葬于先塋之次子男二長公燾

讀書達道理性鯁直簡古有父風次公燾燾四俱

適名門孫男八長彥士鄉貢進士歲乙丑會典舉
世職尹缺員襲封衍聖公以才賢選於衆無逾彥
士者薦之

上可其奏一時縉紳咸以位不稱其才惜之然將來蓋
未艾也次彥弼彥佐彥佑彥條彥幹彥杞彥桐皆
能世其家孫女五一歸寧陽京兆尹王公之孫陰
陽訓術尚庶一歸山西按察司分事王存禮一歸
紳皆公綬女也公歿三十有四年公綬以三氏學
錄公璜所爲狀寓書屬紳銘欲磨石表諸墓紳未
及聆公聲歎素同里且託婚于門聞而知之稔矣

凱風寒泉之思寔鍾厥心昔東坡膺菴嘗記其
外大父遺事顧紳不文其取辭銘曰

尼山峩峩泗水泱泱秀萃無瑕毓我素王委祉茁
裔旣熾而昌猗歟處士寔裔之良特逢熙洽乃舍
厥章耕漁桑梓風月虛曠神遊一夕白雲之鄉蘭
芝疊秀不墜書香佳城葱鬱終擬燎黃吁嗟處士
慶行何長我銘載刻百世彌光

進士奉直大夫大理寺右寺丞孫翹神撰

故襲封衍聖公以和墓誌銘

公諱弘泰字以和宣聖六十一代孫系自

初衍聖公希學傳三世至彥縉公祖也考承慶木
封而卒贈衍聖公二子長弘緒以敬讓封十有
七年公實代越三十有四年而卒公生七月喪
父六歲喪祖母三太夫人鞠之成化庚寅襲
封

憲宗皇帝賜第京師命齒國學嘗見公所服至孝是人
問焉公對曰臣家門故事

朝恩數不敢廢也許之再值

分獻內壇皆出

長辭歸

上若曰卿其進學循禮表率宗族無忝聖裔以副朕

丙申給

命有司以二品例授犀軸公言舊典以玉軸為異
乃改授之丁酉

詔加廟祭禮樂公率族人奉表入謝先世有遺田百
餘年散業他姓者過半至是皆贖歸之以贍群族
己亥祖廟為雨水所壞公請命有司脩葺完麗如
故每歲

萬壽聖節奉表獻馬賀于

廷辛丑居母憂

賜塋祭皆如例丁未入臨

憲宗本哀

今上登極以弘治戊申入賀

上視學命分獻充國公

賜坐彙倫堂退率三氏子孫表謝復

賜宴禮部及襲衣冠帶

躬耕籍田亦預宴馬以敬章服家居友愛之洽歲時遊

宴相酬倡或夜分忘倦四方大夫士至者禮接不

少衰己未公來朝聞祖廟災亟歸齋哭如居喪

咎自責居齋鬱不樂庚申力疾而朝辛酉上疏乞

休致

上召曰卿其善自調攝以奉聖祀所請弗許時後有脩廟之後公協相規畫勞勩甚殷凡再越歲弗克躬親事病既革執兄子聞韶手若有所屬者蓋公之封也廷議以為世嫡相傳古今通義乃按宋故事俟公之後仍歸其兄之子公母遺命亦以是公及見聞韶之成其乞休時常具名以請故至是猶憊憊云爾計開

一特遣行人論祭者五有司給掇擲工部官屬治塋事以十二月九日寔馬公美風儀善論議每評薦人

曲直料事當成敗多奇中俾有職務將無不可為
若而靜處優逸無繇自見然承奉宗祀脩治林墓
綜致家政其在孔氏有勞績焉若孝友熱問之心
剛毅不屈之氣崇名令聞偉然著于人人其在天
下亦不可泯也嘗即魯泮池遺址築泉莊別墅因
以自號有東莊稿藏于家公生景泰庚午四月二
十七日卒于癸亥五月十五日年五十有四娶孫
氏兗州護衛千戶永之女封公夫人十一日聞詩
三氏學生女一予與公內交久公以左命為聞詔
議婚于子禮成之三年聞始嗣封爵則以父命

奏狀請銘公墓嗚呼子乃遽為公銘刑銘曰

孔裔周啓爵興代崇六十一傳昆弟洪封公繼冠
爵在

先帝世歷春遠秋三十有四入主宗堂俎豆載虔出奉
朝獻禮儀孔閑時斯歲斯我職在茲我有餘力而
弗外施功名始終天所優假我所弗預疇其望者
有命自

君公荷弗隳有身自親公全厥歸惟兄有子惟祖有祀
公所無憾尚其在此孔材北西公有世墓焉其補
之乃祖乃父公居在東世自為宗公子公孫其來

無窮

榮祿大夫太子太保戶部尚書兼 謹身殿大學

士知 制誥 經筵 國史官會典總裁長沙李

東陽撰

前行聖公南溪孔先生墓誌銘

南溪孔公之病也其子聞韶馳書京師請致醫藥

予為延醫遣价蕙程以從比至已弗瘳越月而計

至矣初公為聞韶議婚于予東莊公實代行之東

莊之喪公以銘見屬南公閱月而聞韶以公銘請

嗚呼予何能為情哉公諱弘緒字以敬南溪其所

自號宣聖六十一代長孫也父承慶早卒物于

王夫人景泰乙亥祖衍聖公考續卒公時方八歲

景皇帝遣使驛召之陛見之日賜冠服於東角門俾

封爵公進止應對如老成人

帝見公垂髫命巾官即應前執之俾歸遺其

親賜玉帶以其軀尚小去其二銜授之俾藏焉又

賜金圖書印其文曰謹禮崇德復念公幼穉特

勅其族祖少詹事公恂共治墓事仍

音戒其族人共加保護如有恃強挾長肆為凌害者

許其實以聞令懸之

命吏部特簡教授授入海之管異數也天順丁丑

寒廟復作公入觀

上召見便殿親提其手置膝上與語久之賜白金五十兩緣幣四襲自是每歲入賀

萬壽聖節

上聞公賜第湫隘以大第易之凡南城賞苑西北較獵

皆從

親祀

亦預分獻成化乙酉

朝視學賜坐彝倫堂聽講退學三氏子孫表謝復

賜宴及冠服

親耕籍田亦預宴馬公在官十有七年奏給三民教

印開生員歲貢格蠲孔氏田租十之七皆前所未

有者庚寅公坐事失爵下廷臣議以為世嫡相傳

古今通義乃據宋若蒙若虛故事以請

命其弟弘泰代襲以後仍歸其子弘泰東莊名也公

每曰吾弟代繼世爵功在吾宗凡祀事家政悉付

之若未始聞者弘治戊午巡按山東王御史一言

奏公遷善脩行宜加杖拭請復舊爵

今天子命以冠服家居己未宣聖廟災會東莊在朝公

躬率徒衆奔走秘護素服廟哭蔬食百日如居喪儀及

朝廷命官脩建公雖不預經費與其弟贊畫爲多工且就而更莊卒公哀痛頓劇凡喪事舉爲綜治始以憂悼

召龔時新廟已成既禮奠歸陳所

賜勅及麟服玉帶金幣諸物于庭公曰此吾祖之澤聖天子之賜也汝慎守之巡撫都御史而下皆來會公力疾迎款乃益劇比終不亂公孝敬天至太夫人疾必跪進湯藥居喪骨立與東莊友愛殊篤凡田

以少爲群下所誤今吾子未壯安可遽及此人兩賢之家居三十餘年每對客談詠略不及功利事其爲人內朗外達抱謙素直見者無不意滿禮虛宗族厚遇鄰里子雖甚愛不廢誦訶聞韶始受

命公卿大夫士皆稱其靜重黜黜是承世澤芳視事

公府即減佃夫廟戶額外憐億及代耕牛種清

孔氏賑貸官逋議積穀以贖族之貧者皆

於是族里懼動益翕然稱其爲賢而公遽不幸以歿噫天何厄之久而伸之未竟且遠其

聞韶以訃請于

朝

上遣官賜祭命有司治墓事以閏四月朔日葬李夫人
 之壙而合塋焉李公之元配太師文遠公女也
 熊氏兗州護衛百戶補之孫再繼袁氏山東家
 司副使端之女其貳室江氏為濟寧衛指揮俞事
 耘之孫子七聞韶其長次聞禮聞善聞義聞政聞
 忠聞孝女五長適濟寧衛指揮鄔玉之子祐次適
 贈太保尹恭簡公之孫中書舍人繼祖銘詞
 維嶽在東聖靈所鍾

國有元祀家有大宗越在

先朝茂膺顯封我冠長裾綽有祖風中更事端遵晦養
 蒙優游桑榆命服在躬胄子既爵新廟既宮物虛
 則盈數變必通周旋其間善始令終林以族姓塋
 以穆從龜筮既吉子孫其逢於昭惟思一棺兩
 公我銘雖殊於義則同死者可作生無忤容後百
 千禩庶其知公

榮祿大夫太子太保戶部尚書兼謹身殿大學

士知制誥經筵國史官會典總裁長沙李

東陽撰

節婦孔媛磚誌

孔氏媛名德鄉其字世爲曲阜入宿州分教諭李仲女宣聖五十八世孫也生而性姿聰麗女紅經史無所不通年十八爲之擇婿得同邑王綸歸之入其門孝敬和順內外親屬稱譽之無間甫二載未有出而綸忽感時疫沉綿危殆乃謂媛曰吾死不恨第汝年幼無依吾目且不瞑於地下媛曰生則同室死則同穴君毋我恨我必不負於君也已而綸歿媛抱綸尸一號痛頓絕絕而再甦復自縊於綸所姑最愛媛見而急持救之得不死泣謂之

曰吾兒之死病不獲已善痛之已不可忍汝何苦袂往從之俾我痛傷汝何不念我之衰老至是耶媛哽咽而訴云妾已許之豈可食言默知其求死不能無可柰何即不飲食語言昏昏然如醉如夢以待盡既數日亦不能即死姑密令人輩更相防守且多方慰勸誘之媛計莫遂乃飲食語言如常綸墓有口媛亦經營當爲事家人輩謂其心悔無事於防守也明旦當發引其夕媛經於室比曉有事者各職其事姑訝媛不在側呼亦不應與家人輩扶戶而視之死已久矣其貌猶如生

姑親裝歛之與綸同殯以夢馬時年二十實成化
癸巳秋七月之十一日也嗚呼自彝倫之不明人
皆不知死節者之一可尚而有識者無不為之憤慨
而健羨也會媛之族叔覲者知媛之始末為甚謹
將撫實咨落於邑大夫轉而聞於

朝俟其旌表字里為世楷範以勵風俗以垂芳於無
窮則是媛之死雖一世之短乃萬世之長也嗚呼
媛乎媛不負於天 天肯負於媛乎嗚呼媛乎

賜進士魯人劉子鍾撰

書闕里誌後

鎬竊嘗觀于天地之大日月之明誠
有不待于言語形容者然其運行之
度數方與之遠近不有以紀之則亦
茫乎其無考矣吾夫子之道其猶天
地日月乎其大且明者固亦無待于
言若夫自其得姓誕生以至于今二
千年餘事有關於聖門者不猶度數

方輿之類乎是固不可無誌焉已前人之述若纂要實錄事紀世家補諸書多出元儒本在中祕世不多見而祖庭廣記家譜及三氏誌本藏孔氏又各據所見互有詳畧鑄竊有意焉廼弘治甲子夏少傅

閣老西涯先生李公奉

命落成曲阜新廟鑄謂闕里未有誌必

託諸一代名筆足以信今傳後如先生者輒白撫按清戎諸公以請于先生遂蒙以纂集下委且俾具凡例折衷損益脫數稿而後定又錄致閣本數種與孔氏諸書叅詳考證明年秋書成嗟夫聖道同天地而並日月誠若無待于此然儼諸度數方輿或可無遺憾矣昔范太史之唐鑑受說

伊川蔡九峯之書傳是正朱子皆一
出名世鎬無能為役獨賴先生指授
以成茲事其為私幸畧有似焉謹識
末簡庶觀者知其受成就緒源委如
此若乃謂是書小補聖門以伸洵埃
之報則鎬也奚敢

正德紀元歲次丙寅孟夏初吉

賜進士出身中憲大夫山東等處提刑

按察司副使奉

勅提督學政江東陳鎬謹書

督工官歷城縣丞張惟

膳對生員金珮

商文

陳贊

陸俊

張潭

錢果

張秀

霍淞

鄒表

胡鐘

殷公

張齡

趙舜臣

鄒以定

劉天民

鄒以天

顏希忠